



清詩溯洄集



四一六



湖洞集卷四七言古下

栢鄉魏裔介石生選評

禹航嚴曾築方貽

校訂

錢唐顧之瑜不瑕

七言古

盛藻

丁酉歲抄從軍滇南留別長安諸同人

晴○曛○消○不○盡○陰○山○雪○寶○刀○鑄○不○盡○天○下○鐵○殘○書○驅○
不○盡○壯○士○愁○萬○馬○千○軍○走○棧○絕○軍○枚○馬○勒○奔○雲○龍○
金○印○曉○發○明○光○宮○不○是○閩○外○需○授○鉞○那○得○司○馬○行○

從戎司馬燕山牢落久。犢鼻鶉衣不糊口。強項不
過五侯家。棹頭但乞延門酒。酒中結客經十年。清
歌妙舞璿瑜筵。朝向樽前喚兄弟。暮從石上生烽
煙。暮四朝三狂瀾汜。邂逅論交得諸子。澹然日月
無送迎。願爲松柏不桃李。松蒼栢翠天風寒。歌詩
擊劍聲珊珊。要從紙上還風雅。羞將長鋏彈馮驩。
長鋏催人天末去。河橋水涕英雄泣。攬轡乘風底
事難。淒雨鳴鷄誰共語。共語春花秋月前。長驅慎
莫酒中顛。珍重他鄉遠遊子。霜親在堂妻在簾。下

馬跪謝諸兄弟。男子輕生重信誓。稽康醉後眼當
青。楊惲田荒詩不製。詩成沙漠愁雲堆。暮鴉爲我
啼。天哀從此聚散各。烟霧欲別且立心。徘徊徘徊
兮。憤懣情一何長。路何短。願得捷書早晚來。鏡歌
譜入湘妃管。湘管不唱渭城青。唱徹驪駒三四聲。
拂衣且別諸弟兄。待我洗盡天下兵。解衣釋甲從
躬耕。

行路難

山可撼。金可蠹。誰最難。難行路。路轉羊腸車復舟。

行人絕跡豺狼遊。夜夜家鄉魂夢裏。朝朝顏色風
塵頭。年少風塵那可憐。爲思親老心悞抑。憶昔生
兒教讀書。捧負提攜重珍璧。願兒冠蓋遊京華。願
兒學富尊五車。不然田舍耕且種。冬溫夏清守吾
家。父母恩深重天地。百年難報三年事。胡爲不貴
不賤人。輕身萬里違蕉荔。萬里一身吹似葉。行路
漫漫風獵獵。親思兒莫饑且寒。兒憶親莫衰且怯。
憶親日復日。憂思匿復匿。着取臨行衣。手澤縫何
密。願爲蒿田雀。不爲九臯鶴。雀飛不離蒿。飛鶴將

焉薄。白鶴孤飛翼。瘡瘡雨。九跳擲東海。滿光陰。一
去不復來。行路日何長。事親日何短。行路難。推心
肝。有時啼笑不自解。忽因瘴癘強加餐。安得攬槍
掃天河。嘗不翻。乞取琅玕爲親壽。行路只作等閒
看。學輒以事歸。送同學戴二無忝歸里門。代余省親
六年不見面。萬里不見書。贈我一日渾金璞。玉之
顏色又何羨。乎七香八寶之璠璣。橫江驛邊紛羽
檄。嶺海爭傳戰鬼闌。親交亦自傷心魂。無忝裏革

穿龍壁三月桐山四月梅嶺祝融飛過綠珠井會
於賓陽憂來無方豈暇惜憔悴竊幸非戰場令兄
寄我書說我書樓楊柳已合抱家弟但言望我歸
不忍輒言堂上親衰老與君三歎一悲歌愛君教
我學神仙以事親者好十日飲酒五日醉孺子榻
橫姜肱被簿書牽我上桂林匆匆小別亦酸鼻桂
林城東七星巖赤鯉白鶴遊其間坐我老君洞曳
杖須彌山洞天福地終不關何時與子往復還解
鞅還自灘江卧六時思了千年課入門未坐言將

歸聞道金陵瓜步破念兄在南嫂在北不得相將
淚填臆嗚呼我母我弟江之濱亂餘邨得不蒙塵
嗟我母在猶汝母藉汝歸省心悲辛獨恨離別容
易歡會少瘴山瀉水催枯槁卽令相見異當時後
會他年益潦倒君不見馬伏波薏苡亦作金珠馱
又不見柳州柳羅池古屋豺狼走君先歸去我亦
來赤松黃冠同攜手要使桃花開笑口噫噓嘻何
日桃花開笑口

沈商書

風拍湘簾燕雛墮地命小童拾置巢中
社翁雨細春華襲宮樹流烟青嶂濕江臯二月風
滿衣剪水拂雲雙燕集相度棟宇上下頻未會卜
居先卜隣會見善氣此迎物謹避戊巳巢庚申拈
据將茶彌已切世間競謂鳴鳩拙丹堊塗茨成規
模卯翼華堂婦語夫昨朝兒出具頭角與子食鷄
還護雛無端風雨大無狀拍簾裂幕摧綃帳翔空
一子墜芳埃扶持無力哀相向主人憫惻懷情深
命俯拾之勿少侵維彼亦父子兄弟無令而物有
處○又有見巢其窩喃喃顧兒久不去爲語昔時墮地
處○

董文驥

過長平

日暮停車狠孟城○驛樓地是古長平○趙卒同阬壯
者盡○觸髑模糊山與京○居人往往拊金鏃○土花碧
血綠于玉○秦趙加兵記舊聞○趙王之愚何足云○千

金間信馬服子。堅壁遂易廉將軍。括之父母皆知子。相如亦言膠柱耳。用舍滄於王不明。讀書悞國嗟如此。君不見殺降往往爲鬼雄。戰場啾啾生陰風。青燐白骨蔓草見。前有銳頭後重瞳。杜郵伏劍東城刎。天道何曾以壽終。

丁裕初

歌風臺

東風大起沛軍動。赤幟招颺五雲送。西敲函谷關門傾。子嬰繫組匍匐迎。就封巴蜀陳倉度。輕車蹶

破三秦庫楚漢相持得幾年。長安栽盡新豐樹。叔孫禮成亭長尊。千乘萬騎臨彭門。椎埋狗屠何氏宅。夜徑被酒誰人村。父兄藉藉竊相語。劉季還家作天子。依然隆準似當年。廝養今皆耀金綺。丈夫意氣真雄哉。宴飲酣呼未遽回。爲憶徵時風物美。等閑闌入故鄉來。故鄉賜復爲湯沐。登高颯爽成新曲。風吹臺月幾千春。細柳河壩依舊綠。

子房山

子房韓相裔。初非山中人。祖龍屋韓社。飲恨惟此

臣一椎雷動副車中。祖龍奄忽隨朝夢。赤帝子出
誠解人相隨。且破咸陽甕。韓王有孫幸得侯。始終
相韓不相劉。天不祚韓楚羽虐。甫釋秦讐復項讐。
楚歌一散垓下死。韓孫魂魄猶依此。一侯聊用塞
輿情。杜門辟穀今已矣。今已矣。勿復來。子房山下
徒蒿萊。子房廟中生莓苔。赤松之遊安在哉。

呂梁洪

山靈河伯突而怒。洪流怪石相攻戰。天吳騰蹕馮
夷奔。搥鼓東馳氣驃悍。驚波狂湍跳蹙來。目不停

瞬聲喧。厖峭石哈呀迭相撞。沫沫橫噴不肯回。箭
疾馬飛紛亂逼。三老長年幾灑泣。自從垂髮學操
舟。未見洪頭春浪急。神旋鬼掣奪天門。獍龍拏攫
長蛟吞。兩山堅壁嚴約束。排搏勢欲翻天根。鞭風
叱霆颯然壯。倒挽黃河向天上。一舉鉅野捲地趨。
星辰如覆偕崩盪。宛如項羽勝秦兵。破釜沉船倍
道行。章邯九遇盡披靡。威攝諸侯鉅鹿城。又如文
叔昆陽戰。尋邑一崩師百萬。巨人僵倒卒徒奔。川
溢沙飛豺虎散。世人但見水安流。清泚霧縠浮輕

鷗誰知峽谷相激薄。五色無主天為愁。鑿山通壑
神禹力。五丁竭智險難敵。蹈水丈人洵有道。宣父
觀之惘然失。呂梁呂梁真壯哉。營魄震悸心骨摧。
不必瞿塘橫灩澦。居然瀑布掛天台。我來洪上陵
谷。改砮稍歛趨東海。怒流猶有霽顏時。險仄人
心終莫解。

氣韻沉雄
權奇天馬

顧大申

吳宮怨

吳王捲甲東江許。水犀十萬聯檣艣。錦帆壯士喧
榜歌。白羽如荼赤如火。軍中美女爛朝霞。載得蛾
眉入館娃。傾尊夜夜蘇臺酒。校獵朝朝茂苑花。越
姬掩泣渡越水。綺羅輦載吳宮裏。舞席通宵露未
晞。樓船夜半江烽起。丹梯金虎劍鉞深。碧嶂香溪
脂粉沉。惟有浣沙江上月。清光常照苧蘿村。

飲太白酒樓醉後走筆成篇

嗚呼太白爾何游。應在飄飄碧落之。倒景芙蓉白
玉之。仙樓乘雲抱氣躡箕斗。驂螭挹漢凌長蚪。世

人卽之杳難求。但見朱軒繡拱環城頭。岱宗歷歷
青過面。黃河西來淨如練。七十二君等飛電地老
天荒出酒人。狂歌直與天爲隣。上殿捉筆力士噴
背負鹽鼎誰相存。就中賞音賀季真。獨抱麴孽看
浮雲。登樓日醉埋其身。西風野火衰艸死。由來豪
貴盡如此。我今把盞揖君起。相與酌酒問濟水。古
今醉醒那終始。如何不高步窮紫煙。摘取列星當酒
錢。斟酌海水常不乾。開樽痛飲樓之巔。醉呼黃鶴
迴青天。

嶧山吏

嶧山青青嶧水曲。飛泉四注明如玉。梨紅柘白冷
寒烟。棗刺參天攢破屋。里胥篝火夜抱符。叩門致
辭煙爨無傳說。縣官需船夫奔走。亡命他州趨楚
師。閩師滇廣師更翻來往無窮期。黃鬚白帽舵樓
坐。此輩強半非熊羆。今春南還兵調卒。千八百里
下募夫。錢按日雙匹帛。銜尾王笈來。貢舫行如織。
電掣雷雨轟縣官。戰失色。前驅之馬騰飛龍。怒罵
醉宿水驛中。無夫輒縛驛吏打。以斯搜索窮黃童。

揚鈴吹蕭擊鼉鼓。突如其來縣令苦。牽羊包豕宰
肥牛。道路金錢賤如土。近時山陝抽調兵。成羣什
伯如狼虎。繹騷未旬滿。旬日禁旅雲屯接。淮浦此
行按檄役九千。半月召募羸一半。稽藉祇及三千
戶。一家三單詎能全。木棉在機麥在田。饑寒不敢
私流連。那知越站更逼抑。揮置不用橫索錢。往往
榜掠死道傍。行人見之淚如縷。嶧山吏爾何迫烽
火滿。山盜未息。况復徭役日煩苛。頓令愛子坐作
賊。近聞朝廷下尺書。船夫毋庸縣官除。雖云毋庸
縣官除皮之不存毛焉如。

吳農祥

觀獵歌

二月下旬春沙黃。將軍校獵南山傍。健兒手挽蛇
矛走。飛立馬背弓力強。山頭削立石勢怒。振馬上
岡若平路。直教此山盡。虎狼不問艸間取。狐兔黃
旗一點山頭明。西嶺忽看東嶺行。皇天仁愛及萬
物。殺氣却使西風生。羗童吹角第一聲。千隊萬隊
長蛇橫。鷹犬氣酣不復任。血腥倒下空原平。全禽

百傷任馳突。倏忽人驚諸隊沒。左掩右引不復知。誰其使者中抹額。腰下常懸銅虎符。不止賞罰係擒獲。合圍原分步驟同。鬼工神筭在咫尺。一隊奔趨一隊止。黑雲壓山塵不起。萬類崩迫魂魄寒。追趕不得過一里。將軍鬚髯真如神。貂裘大蟒穩稱身。雅翎寶鈔羅復陳。骨肉狼藉收不均。將軍置酒如功臣。諸隊下馬呼不止。什伍次第陳魚鱗。將軍按籍問司法。賞罰以計償苦辛。噉唾老將皆攝伏。鼻息出入將軍噴。角聲再動更上馬。上馬跨山入

平野。副卒行取禽獸歸。刀頭非向河流瀉。君不見北方萬里荒蘆天。時時校獵秋臨邊。小時引弓射羊鼠。長大合習時割鮮。此輩攻城卽勝躍。一氣奔命無遷延。古來蒐狩備戰法。載在禮法非虛傳。

王正昊

上元行

漢家燈火連天起。香塵滾滾盈街市。複道交衢樂未央。千門九陌歡難已。雜沓初驚火樹連。參差還訝星橋倚。火樹星橋動地來。高棚廣幕恣徘徊。玫

瑰柱自鼇山出。菡萏花從鳳鳥開。鳳鳥鼇山在何
所。青槐夾道開朱戶。隱隱疎簾捲水晶。沉沉綺帳
垂雲母。桂酒蘭般堂上筵。龍簫鼉鼓皆前舞。富貴
誰踰田竇家。豪奢獨數金張府。田竇金張此夜遊。
三條五劇鬪風流。紛紛上客皆珠勒。兩兩妖童盡
緣繆。追遊更往城南陌。繁華別有王侯宅。紺幃朱
輪出每遲。金蟬翠靨看尤劇。翠靨金蟬照萬家。酒
樓花市月方斜。忽聽前坊嘶寶馬。回看曲巷轉香
車。寶馬香車似相識。傾城一見嬌無極。綠珠粧束

本西京。碧玉腰身自南國。可憐爭欲逞容光。可憐
盡解誇顏色。曉來重過酒罇邊。多少飄花與墮鈿。
已覩勝遊成往事。不堪韶節誤芳年。韶節芳年屢
更換。碧海桑田動長嘆。環珮俄隨暮雨飛。綺羅已
逐朝雲散。舊日猶傳太乙祠。蘭煙麝火異當時。閒
庭獨立吹清管。落到梅花第幾枝。

薊門篇上吳太史梅村先生

薊門風昔多雄風。文章海內俱朝宗。就中驪珠誰
摘得。人間宗匠歸我公。我公大筆冠江左。咳唾真

足驚鴻濛。女媧聖手。巨靈斧直。與造化爭神功。由
來此道。屬元氣扶桑。西去崑崙東。三百篇還十九
首。正始肯讓開元終。邇來天子重文獻。詔書屢下
特宣見。從獵每入甘泉宮。和詩長侍栢梁殿。此時
昇平需雅頌。自古燕臺富才彥。牛耳千人已競推。
龍門百尺誰堪擅。憶公高卧東山隅。文酒跌宕客
狂夫。談天說怪恣歡謔。典酣據地傾千壺。有時敲
句對紅燭。嘔心莫惜髭髯枯。雕鏤萬象怒真宰。要
使隻字人間無。當年數子自歷落。意氣競欲吞江

湖不慕青雲。一朝貴但恐白雪。千秋孤自從分飛。
各南北斗大婁城散星色。周郎厭見尋常人。出門
去作平原客。黃君一別不得意。挾策亦向長安陌。
許子途窮更可憐。風塵刺促家徒壁。心懸知己嗟
飄零。青袍十載仍王生。無錢莫笑趙元叔。有舌不
如樓君卿。御恩何處報明月。但存肝膽空熒熒。以
茲七尺益骯髒。驩伏櫪頻哀鳴。丈夫青紫偶然
事。當令風雅追前盟。成弘嘉隆豈衰歇。斯文萬古
歸權衡。詞壇狎主我公在。一空天下蒼蠅聲。

兵船行。陣雲壓城。城日白。羽檄分馳。騎充斥。颶風昨夜起。鮫宮鬪艦。千羣復何益。憶昔軍興。催造船。吳民髓竭。無金錢。刺史流汗。縣令哭。老農含血。遭笞鞭。一朝連烽。迷海道。帆檣如山。倏然倒。旗鼓虛張。楊僕營。艨艟已入田。橫島沙溪。十里飛黃埃。人家門戶。晝不開。橫刀躍馬。滿街市。海船方去。官軍來。君不見。軍中健兒。不差走。盡是幽并。好身手。十村九村。無人烟。不埽鯨鯢。埽雞狗。

賊來兵遁賊去兵來京口之事可為浩嘆此篇隱諷志譏益令人思元戎之功

王 抃 塞上曲

玉關征戰無休日。正是甘泉烽火夕。秣馬營中塞月明。陳兵帳外邊風惡。縱金伐鼓向漁陽。怨雨悲風古戰場。此地相傳自秦漢。若箇征夫不斷腸。陰山白骨長城血。村店行人。都斷絕。蔓草繁。迴樹不花。寒沙溼。冽天長雪。自從關外罷屯田。無復炊烟。幾歲年。唯聞塞馬。皆南牧。不見王師。自北還。中華

景物邊庭少。衣不經寒食。不飽紅粉青蛾入夢中。
踈星漸落關山曉。長宿黃沙白草旁。曾無廬舍蔽
風霜。空思繡閣芙蓉帳。遙憶香閨玳瑁梁。回首鄉
關道路隔。葡萄苜蓿秋蕭瑟。獵火千堆蔽日紅。陣
雲一片連山黑。閒吹蘆管撥琵琶。鐵騎雕弓感歲
華。不惜捐軀裹馬革。寧辭去國卧龍沙。人生最是
從軍苦。慘目傷心不勝數。家別三秋少信來。身經
百戰無死所。可憐日向空閨在。縱有音書寄何處。
瑤艸徒芳黯自傷。相思願遂歸鴻去。惱殺黃鶯枝

上啼啼時驚起。夢遼西。裝綿不獨宮中女。織錦寧
無竇氏妻。淚灑西風不堪拭。天涯遠戍無消息。若
使和親議不成。少婦山頭皆化石。

麗而不失其正
氣韻直逼初唐

公無渡河

公無渡河。公渡河。公渡河。卽溺死。何不欲渡還復
止。平川風波尚足畏。况黃河之奔流。千萬里。是以
賢達人。退以保其身。魯連旣遺燕。將書不願富貴
蹈海濱。子房借箸定天下。從赤松子遊白雲之深

處不復問當世之爲漢與爲秦。古來豪傑盡如此。眼前得喪安足論。奈何儒生輩爭區區蝸角之浮。名君不見上蔡犬華亭鶴。昔時聲華何爍爍。一朝追悔良可悲。相秦入洛終奚爲。吁嗟乎箜篌曲空復哀。世無劉參軍。誰爲荷鋪埋。世無陶彭澤。誰吟歸去來。箜篌曲空復哀。

東門黃犬華亭鶴。嗔千古同悲。讀此當如冷水澆臂。

王 攄

送懌民兄燕遊

送君西亭暮。把酒歌行路。送君南浦春。折柳贈離情。離情脈脈淚沾臆。北固潮聲帆去疾。廣陵一片渡江雲。薊門煙樹天涯隔。遠攜書劍客京華。點點青山馬首斜。目斷故園何處是。滿谿吹落碧桃花。十載高堂成白首。攢眉非爲匡山酒。半鬢田廬賦役中。難支門戶干戈後。吾兄瑰異莫與儔。筆搖五嶽凌滄洲。著書獨閉楊雄宅。作賦頻登謝朓樓。不願兄多錦囊句。願兄揚鞭曲江去。早獻長楊賦。上林丹枝莫作他家樹。憐予憔悴卧菰蒲。但能醉倒

黃公墟懷刺字滅無所遇。世人應笑爲迂踈。兩地
烟塵增歎息。兩鄉自古多陳蹟。燕市曾聞屠狗人。
吳門近少吹簫客。君今試上昭王臺。爲問英雄安
在哉。不見擊筑悲歌之壯士。唯見蕭蕭易水寒。風
來握君手。酌君酒。斷腸春色君知否。欲識相思幾
許長。明年歸看闔門柳。

五陵裘馬

翩翩年少

上陽白髮人

上陽宮中白髮人。自言十五入宮門。入時潛配空

宮裏。歲歲東風不見春。若教當日至尊見。晨夕端
知奉歡讌。不是更衣侍玉牀。也應奉帚登金殿。如
花那得君王知。古來見妬是娥眉。誰爲趙后方專
寵。却使班姬早賦詩。從此含悲夜復曉。玉階冷落
生青艸。夢裏羊車寂不聞。愁中鸞鏡羞相照。鸞鏡
罕車恨若何。遙聞笙管蹙雙娥。君恩未賜羅衣在。
妾淚空沾翠袖多。爭似楊妃擅嬌貴。打球嘗共三
郎醉。罷浴溫泉晝每還。私語驪山夜不寐。誰道霓
裳舞未終。一時宮闕汚腥風。不聞將士來關外。但

勸鑾輿幸蜀中鑾輿自此遭遷播。最是凄凉馬嵬路。豔笑千年付夕陽。香魂一哭埋殘土。南內歸來枉斷腸。神仙海外總茫茫。傷心朝士皆新進。回首宮娥改舊粧。一生雖失君王眷。九州且免黎民怨。白髮于今不足悲。紅顏自古多成亂。祇憐淪棄誤華年。重對青銅意惘然。粉靨已非嗟老至。綠髻安在憶兵前。嗚呼人生富貴那能必。盛衰反覆無終極。總傷秋艸是今朝。幸未春花在當日。晝靜紗窗生網塵。宵深羅幌見飛螢。雖然同抱長門恨。猶勝

黃金買賦人

香山長恨歌世莫不矜其艷麗柔曼讀此覺別有深情

王曜升

垓下行

彭城城摧睢水竭。漢兵十萬盡流血。鴻溝一割天下分。亡虜重瞳帝降準。孤軍轉鬪垓下疲。中夜起飲悲風吹。臨歌自灑數行淚。誰爲和者惟虞姬。拔山餘勇尚堪數。赤泉小兒面如土。搴旗斬將竟何益。隻身一敗難言武。莫道江東有父兄。丈夫耻受

見女名手持短兵下馬行頭顱贈人了不驚嗟乎
咸陽火烏江水瞬息興亡類如此君不見白登殘
壘草班班角聲無力鼓聲寒軍中不遣闕氏使塞
上誰教天子還

汪琬

吳王故臺

君不見姑蘇全盛日吳王意氣生驕逸甲騎爭隨
射雉行錦帆頻爲觀魚出日暮紅粧下鏡臺每憑
高處望王來舞衣斜拂芳花度歌扇遙臨壁月開

繁絃急管長相聚又見朝來喧笑語俯檻還迷茂
苑花捲簾更指橫山雨漫道三春樂未央越兵西
至忽蒼黃舟中畫角喧秋水壁上朱旗掣夕陽餘
杭散走誰相待滿目繁華能幾載綺筵寂寞酒城
空羅袖飄零香徑在姑蘇煙樹淡模糊過客褰衣
問霸圖歲歲年年芳艸發舊時麋鹿亦應無

可爲永鑿此
風人之正也

吳雯清

虞姬墓

荒丘日日傳車轍。爭述美人埋玉穴。懷古唏噓楚
漢爭蛾眉。慷慨昭臣節。拔山之雄徒。蓋世甲帳刀
環夜嗚咽。江東子弟八千人。九里山頭鮮遺孑。最
是英雄兒女情。長年不冷烏江血。君不見阿房灰
飛烟未寒。建章官圯成楸垤。何如靈壁杯土存。閱
歷興亡永不滅。

美人為情死也為節死也。然不有情曷有節。

徐乾學

公子行

翩翩佳公子。容華耀朝暉。大父擁旄節。父忝漢
尊。弟兄才調本無雙。六龍八駿何足論。哲昆射策
得高第。少弟亦徵天子恩。連鑣俱過上林苑。縱轡
時經銅馬門。銅馬門前鋪金埒。剗繡障泥紛蹀躞。
期門羽林同往還。五侯七貴都交結。曾從複道入
南宮。還向建章達北闕。鷄鳴從駕幸虎圈。獵罷九
街燈火徹。歸來寒拂紫貂裘。銀燭金尊銷百憂。美
人燕趙迎歌館。狎客新豐上酒樓。酒樓妓館多歌
舞。曲成便令梨園譜。雁柱錦箏樂未央。曼容皓齒

一何憚行觴佇立久徘徊。但願公子朱顏開。乍聽
金梁鶯語細。還看朱履鴈行來。朱輪華轂無時絕。
子雲筆扎君鄉舌。廻騎多過王珣家。掃門與得曹
君說。邀歡終宴不知疲。高懸銀漢明星列。坐中醉
客轄盡投。堂上留髡燭已滅。投壺蹋鞠誇擅場。藏
鈎射覆事殊別。固知別館盛繁華。旋見郵亭多獻
謁。鸚鵡遙遙自隴西。名花往往來南粵。鸚鵡名花
何處藏。前立細旃後曲房。飛甍日麗鴛鴦瓦。繡戶
香消翡翠牀。竇融廐室自連亘。且馬防觀閣生輝光。

甲第雲霞雄帝里。田宅膏腴滿故鄉。故鄉佳麗一
縈憶。桂楫蘭橈來往亟。伐鼓南來驛路迎。楊舫直
下通津塞。甘寧錦纜棄不收。鄂君繡被歡無極。玉
津園內鳥欲啼。伯通橋下人如織。更植烏桺金谷
旁。每穿曲沼芳林側。據坐胡床時疾呼。曲鞦綠幘
蒼頭奴。張翰善賦周小史。霍氏羣知馮子都。橫行
詎畏洛陽令。爭道還欺上大夫。轉日回天真莫比。
氤氳佳氣無時無。自意富貴長如此。一朝失勢須
臾爾。未誦應璩百一詩。寧知蓋子規箴是尚冠里。

中鷄亂鳴。廷尉門前雀棲止。望之坐廢。豈無因。張
讓通交。非得已。霆雷倏忽下。彤墀遠戍窮。邊悔已
遲。東朝語不聞。都尉舊日人。皆去魏。其白髮高堂
猶議遣。班衣愛子盡。相隨金闕迴。看腸已斷。玉關
生入夢。堪悲。陂田苑囿輸公府。廝養髯奴向北陲。
安國灰燃難可待。鄒陽書奏亦奚裨。吁嗟公子生
豪貴。三木囊頭竟就羈。千金垂堂古著式。百金倚
衡市。所啜奔車覆轍無。賢聖誰言白璧不可爲。

此有所指非泛作也可誠可銘

支園觀牡丹歌

譙城連延三萬戶。北枕渦流跨城父。省稼臺荒倚
夕陽。朝真樓壞飛朝雨。惟有巍峩玄武門。舟車絡
繹通商賈。翠幙層樓夾道旁。玉管銀箏盛歌舞。支
公好鶴更耽竒。古寺桐宮對別圃。前庭沙棠後烏
桺。洛陽名花不知數。河堤三畝襖堂開。飛蓋千人
金澗來。葡萄之盤鸚鵡杯。主人揖客相徘徊。烟霧
迴環錦繡谷。神仙雜沓金銀臺。美人帷帳處處設。
對此不欲登蓬萊。美人窈窕情何極。吳脂越粉粧

非一神女高唐宋玉愁。宓妃洛浦陳王憶。乍見靈
芸繡輦來。試看飛燕雙車入。皓腕朱顏自不同。愁
眉墮髻慵無力。晨從綺閣罷粧梳。晚向鍼樓鬪顏
色。分明明月舞霓裳。彷彿鴛鴦機工夜織。懸知十斛
須明珠。不難換却青驪駒。橫陳錦障鋪氍毹。何似
楊華作畫圖。主人向余太息久。此地名花昔多有。
東自曹州西宋中。姚家爲王魏爲后。當年世廟薛
郎中。議禮歸田植數畝。從孫鴻臚仕穆宗。風流遠
繼考功後。百寶欄前百樣裝。樂譜龜茲不離手。珊

瑚木難珍重深。苜蓿葡萄萬里走。都人車馬日紛
紜。須臾百六遭陽九。黃巾十萬下漳河。青犢三千
圍葛口。金堤已決孤城危。豈有豪華鎮相守。卽看
花樹久成塵。曉事花師三兩人。十載平原息戰伐。
於今再見洛陽春。余聞此言舉袂起。狂呼欲碎烏
皮几。花開花謝空復情。桑田碧海須臾爾。不見開
元全盛時。太真微笑明皇喜。舊宮昔有沉香亭。壞
道哀湍竟誰是。惟餘李白清平詞。禁樂流傳教坊
伎。我聞歐公作守時。曾因風土成花史。千載安知

單父名百年盡說熙寧始。掀髯絕倒爲君歌。手持
玉觴朱顏酡。乞君十幅蒲桃錦。紀今樂事當如何。
赤烏西起玉兔起。錦屏春色將蹉跎。蘭亭金谷有
時歇。季倫逸少豈復多。年年渦岸芳菲樹。曾有徐
郎攬轡過。

逸興
端飛

嚴曾樂

慈仁寺松歌

慈仁古刹迥臨街。入門老樹根相排。撐拏聳聳拔皆

有態槐枝栢刺無不佳。新松五六各異狀。有時相
亞或相讓。欹倚總非百年物。盤踞况逼諸天上。及
見雙松叫竒絕。不與凡樹同霜雪。千載根盤勢若
龍。雙株幹老色如鐵。其一最短石磴齊。一株稍欲
青天躋。盡攫長柯耐雨露。不須高頂千雲霓。老材
豈必枝葉好。禿幹自護神靈棲。古來竒物不貴妍。
獨標異骨元氣全。盤礴自有真意在。剝蝕縱使霜
皮穿。其餘樹木兩傍立。非不突兀思參天。柯條扶
踈神氣少。側身不敢跨連蜷。我行更上石磴坐。俯

看雙松失松大毘盧閣上日欲沉金粟宮中春已
破眼前古物誰尚存周鼓商彝有幾個君不見堦
前人散松樹青月出惟聞野狐過

陳泓昌

垓下

白蛇夜斬天意定重瞳恃力求相勝鴻溝一割大
勢危半壁江山復伏誰諸侯會漢圍垓下背城一
敗英雄衰范增前已發憤死食盡孤軍望誰以四
面楚歌可奈何美人淚下一劍齒七十餘戰無堅

鋒一戰摧敗何至此平信既是舊偏裨布殿更屬
股肱士舉足楚漢分重輕當年棄擲何大豕潰圍
南走陰陵東田父給左陷澤中江東父老雖憐汝
四海人心誰與同烏江不渡棄駿馬亦料天威難
再假英雄在握不能用委罪天亡何爲者君不見
漢室功成奏凱歌亡虜紛紛列赤社

陳濟生

天馬歌

漢帝旌旗揚朔野當年御苑多名馬鳳尾紅雲集

九閹綵旌羽仗蕭關下。跼蹐難陪汗漫游。縱橫坐
使翠華愁。歸來宴罷蓬萊殿。屬國珍奇爭貢獻。特
詔金吾選牧圉。牽來萬匹空踟躕。其時漢使謁天
子。上言宛馬真無比。霜蹄蹴踏生長風。嘶斷千山
路。如咫尺。天子咨嗟拜貳師。三軍萬里鞚青絲。不愁
壯士行間盡。直取神駒追八駿。傳呼殿下整雕鞍。
玉勒金羈仗外看。紅蜺散落五花蹙。絕域功成親
製曲。剪向天閑傲渥洼。離宮處處栽苜蓿。神物承
恩感至尊。龍媒夾道游崑崙。年年汗血秋風裏。食

君芻粟爲君死。君不見見騏驎老殺鹽車前。駿骨干
金棄中涓。惜哉不遇元封年。

許世忠

祖龍行

君不見天公傾斗酌天酒。醉錫金策剪鶉首。祖龍
長距仗餘威。按劍一呼天下走。金墉千里臨洮起。
萬里綿綿更無已。鞭橋擴弩覓神仙。直欲一身後
天死。寧識阿房難久留。梓棺出葬驪山頭。茂陵松
栢劉郎墓。兩地愁人烟雨秋。

王大作兩山怒人跡
嚴陵釣臺

老鶴曉唳桐廬月。怒鯢浪捲桐江雪。江流六月冷
於秋。遊人照面何羞熱。漁父指點富山隈。上有嚴
陵百尺臺。兀兀尋常一片石。當年坐釣真龍來。長
碑短碣都是案。我來走筆懸空判。世祖始終懷故
人。先生何嘗心忘漢。同學底事兩人知。事定還我
一釣絲。陸海不教塵姓字。雲臺那許污鬚眉。漢皇
物色不遺力。絕地窮天終須得。澤中總不着羊裘。

烟水茫茫也難匿。不忍交絕暫投竿。東洛軒裳冷
眼。看定知雜霸漢功。陋勉勗仁義。詎留難寒惟無
腹。歡如故。他人還說禮不足。咄咄呼狂意自真。千
年錯怪儀無度。孰如故態不肯侯。聊以一官偵去
留。若云虛已便相助。文叔何難再拜求。中興天子
信圖讖。太史阿從亦已甚。明明卧榻。鮮狂奴。驕稱
天象將無譖。江湖放浪一閒身。從茲萬乘不敢臣。
廢后易儲誰逆覩。他人又贊知幾神。世人紛紛爭
讀史。徒令古人腕下死。先生有骨傲羲皇。豈其洗

耳追巢父青松石上千秋色。浪灑墨花晋在客。喚起先生問否臧。相顧一笑江天碧。

蓬子受知於余觀此作論世之識不止匡說詩解人願矣

會

隋堤柳

大業年中種官柳。召募丁男供驅走。種柳成行夾流水。龍舸夜發汴河口。汴河舳舻千里接錦纜。牙檣浮桂楫。紅粧綠水相蕩漾。江天二月飛晴雪。自去征遼不復還。魚鑰深宮怨離別。綠暗金明千里

路。杏梁紫燕朝復暮。迷樓夜月吹秦簫。空倚江南江北樹。君不見彭城閣上羽書馳。吳公臺下悲風起。不失長城失天子。今古興亡盡如此。

陳祚明

張華故宅

落日俯秋原。徘徊弔疇昔。衰柳映蘆溝。云是張華宅。一自龍歸黯暮星。空留狐語驕行客。蘆溝橋下水粼粼。蘆溝橋上生黃塵。士衡入洛誰相識。不見當年博物人。

自寓亦
自磊落

張 焜

過夷門

荒原寒白日。云是夷門道。侯生不可尋。驚沙冒衰
草。衰草萋萋起暮雲。臨風刎頸悲老臣。丈夫生平
感意氣。奇謀既行何惜身。當今亦有捐軀者。吁嗟
誰是信陵君。

淺語

自真

毛 蕃

長安古意

長安三月柳如烟。香車夾道爭喧闐。曲巷新施錦
步障。康衢初試鐵連錢。帝里風光誰得似。樓闕峩
峩碧天裡。鳩鵲觀前旭日明。麒麟閣上暮烟紫。玉
龍繚繞建章宮。鐵騎紛紜昆明水。宮中水畔泛龍
舟。樂府新歌清夜遊。菡萏香風浮太液。琉璃翠色
滿瀛洲。銅盤玉露含仙掌。金闕晴雲炤翠裘。延年
女弟初相見。傾國傾城羣相羨。爭持竹葉引羊車。
頻將紅粉勻嬌面。螺黛欽頌吳絳仙。衣裾欲結趙

飛燕五侯七貴競豪華。金鞍寶玦最驕奢。名姬佐
酒藏繡幕。侍女彈箏出絳紗。絳紗繡幕誇新麗。黃
金爲堂玉爲砌。誰傳丞相開東閣。祇見將軍治西
第。別有親臣侍曉班。專權怙寵凌千官。韓嫣馬上
持金彈。鄧通家裡賜銅山。此日笙歌滿九陌。此日
壺觴永今夕。壚頭沽酒解金魚。郊外尋春馳玉勒。
尋春沽酒醉芳辰。滿地飛花作錦茵。三千食客皆
珠履。十二金釵各舞裙。何處長堤無纖柳。何處紅
樓無少婦。朱絲繫腕雙行纏。陽春躡影小垂手。銀

燭熒熒。徹夜闌。嬌歌艷舞漏聲殘。竹葉梨花傾八
斗。錦瑟瑤琴試再彈。娼家美女盛容飾。千金一笑
良不惜。青驄白馬綠衣郎。雕弓寶劍黃衫客。客子
豪雄意氣殊。酒酣耳熱歌烏烏。已向小家聘碧玉。
還來陌上觀羅敷。誰料銅駝滿荆棘。三月咸陽火
不息。別館離宮細艸生。雕闌繡柱寒鴉集。荒煙寂
寂鎖朱門。十室曾無一室存。江頭寥落思公子。路
傍困苦憶王孫。繁華滿目今何在。桑田頃刻成滄
海。衛霍功勳姓氏湮。金張貴戚門楣改。已矣乎富

貴由來成子虛塵埃營擾一何愚○
嗚呼乃知塵埃營擾一何愚

姑蘇懷古

姑蘇臺畔東風起○姑蘇臺上暮雲紫○
萬木森森夕照中○桃花李花隨流水○
君不見館娃宮○秦箏趙瑟曲三終○
君不見百花洲○艷舞嬌歌樂未休○
吳王雄心安在哉○畫樓綺閣滿蒿萊○
西子扁舟五湖去○空庭麋鹿相徘徊○
一興一亡在頃刻○勝游茫茫不復得○
惟有城西海湧峯○千秋憑弔情無極

翁 燧

築城行

君不見錢塘江潮如白練○平沙十里吞江面○
奔騰晝夜薄高城○城頭健兒吹角聲○
角聲半入潮聲去○役夫夢斷悲相語○
虎林城堅鉄不如○於中別築屯軍處○
六月桃發五郡民○天炎令急無晨暮○
拮据豈關筋力強○休息每遭官長怒○
一時城一尺○一日城一尋○
朱輪不動后土烝○涼風蕭蕭生遠林○
只吹竹樹作清響○不吹城南行役人○
梨園年少諳新譜○葛

衣搖扇將軍府

顧龍文

雷雨行

荒村昨夜大雷雨。處處田禾灌焦土。乘雨力墾十
畝多。十戶通工互爲主。鷄豚餉畝村徑遙。獨憐無
水灌新苗。暑日炙田水氣腐。往往吹苗苗更焦。濕
雲飛處日色酷。晴鳩喚晴雨鳩促。晴窻但聽雨鳩
聲。明朝雷雨我田足。

劉世燧

南陽行

昔讀漢文南越詔。干戈不事罷遠征。逮及武帝多
雄才。女思織兮男思耕。於今聖神無中外。昨見楚
戍還帝京。如何雲南未革心。遂勞十萬馬蹄聲。馬
蹄到處無烟火。千家轉輸升斗爭。烏穴鼠竄之子
黎。鵠面鳩形舉堪驚。曉日止聽猿鳥啼。夜來不聞
鷄犬鳴。破壁頽垣伴荒丘。燕巢不暇擇室營。南望
湘水千年綠。北望黃河滿目清。燕樹野草遺鳥道。
夕陽晚照旅魂傾。往來劍戟如霜雪。處處枯骨人

馬○橫○幾○時○普○天○休○戰○伐○將○軍○解○甲○民○力○輕○

連歲征雲南戌雲南必由南陽此地荒殘已久宜其言之有餘痛也

劉漢藜

運豆行

大○梁○城○南○黃○塵○起○牛○車○千○羣○連○郊○鄙○道○傍○輿○夫○向○
我○言○昨○夜○府○帖○下○州○里○云○是○南○征○戰○馬○過○槽○斲○催○
輸○如○流○水○更○兼○運○豆○充○芻○收○委○積○如○山○誰○能○紀○數○
鍾○僅○能○致○一○斛○晝○夜○鞭○策○無○停○晷○固○是○官○廩○要○馬○
肥○那○惜○窮○民○竭○脂○髓○今○春○載○草○向○襄○城○一○束○百○錢○

猶○云○輕○野○外○處○處○插○草○廠○堆○如○山○嶽○勢○崢○嶸○究○竟○
官○馬○不○喫○草○遍○地○禾○苗○無○留○莖○猾○吏○賣○草○充○私○橐○
小○民○有○口○誰○敢○爭○今○冬○過○馬○能○幾○何○有○司○徵○豆○數○
萬○多○近○者○百○里○遠○數○百○稍○遲○輒○遭○長○吏○訶○自○從○湖○
南○動○戈○鋌○每○歲○嘗○經○數○往○還○中○原○况○值○瘡○痍○後○民○
力○久○盡○黃○河○邊○征○徭○煩○重○無○與○比○供○億○艱○辛○絕○可○
憐○誰○人○肯○下○賈○生○淚○封○書○一○奏○山○聖○人○前○

短歌行

君○不○見○平○原○昔○日○稱○交○結○相○士○猶○失○毛○與○薛○信○陵○

一日過邯鄲博酒相從重折節。竟使眼前賢豪士。轉爲無忌傾心血。何況悠悠世上兒。肯與布衣稱行列。門擁棨戟建旌旄。梁肉如山恣饕餮。祇知多金驕妻孥。那念窮交卧霜雪。噫噓欷雨雲翻覆安足論。臨風長嘯聲激烈。

姚景明

鬪雞篇

揚州之風何輕揚。屠林割邑曾不創。猶好弄鷄抱鷄巨。編籬植櫬爲鞠場。富者列值賭采勝。老幼縱

觀如堵墻。恰如十世讐。一顧義不反。兵力缺。斯壯士臨陣盡如此。何用戈甲哀國殤。腥膻血臆死。再起壁上瞠目諸侯王。此是阿摩所作。備義取人獸。皆瘼傷。秋風放螢春艸鬪。煙花南部終未忘。又有清明寒食節。墮寫遺鈿瑟瑟切。十里香聞狼籍風。夜歸密炬如朝澈。齋娘禪智拜山頭。熊枕宜男呪。吶吶義髻黃裙逐水流。家雌生角鳴聲鳩。不愛鷄頭數點紅。但顧龍舟鳳娟媠。天寧佛頭無故落。檢點高昌兵馬如霜雪。

宋

鷓鴣行

鷓鴣之聲如巷哭。夜則飛鳴。晝則宿。人一聞之。祓
不祥。况復日間止我屋。猫額鷹爪睛不旋。簷前羣
雀遭其戮。持杆喧逐亦不驚。嗟爾氣勢何崢嶸。吾
聞鳳凰盛文彩。徘徊霄漢五雲橫。只今聖世不來
儀。惟有鷓鴣處處鳴。鳳兮鳳兮。不可見。獨立空庭
涕如霰。

賈開宗

海舶失柁歌

東海大洋有海舶。規模巨敞。驚初闢。橫聯重樓五
百尋。縱延長市三萬尺。高檣御風接扶搖。巨脚入
底鎮逆汝。其中大賈聚盈千。金玉輝焰連天碧。鮫
鬚細織染峯嵐。鰵眼射星含琥珀。飄泊萬里指扶
桑。泛駕窮年盡溟渤。擁護自應皇天功。安瀾全仗
神龍澤。憶昨棲遲佇海濱。颶風吹蕩砂中磧。忽忽
中夜霹靂聲。後區劃然一柁折。我聞海柁如天樞。
幽居迅轉無轍迹。夫何天樞中夜淪。南北東西安

所拍厥載弗濟。陷厥舟萬寶沉。溟深爲惜。衝山犯灘。剡爾間。蛟怒鯤號。隨之厄。舟人泣血。苦未休。恨挾洪濤。心爲擗安。得東海長不波。盪樣中流。永朝夕。

吳聖窟

北邙行

北邙山下哭聲苦。洛陽城中沸歌舞。昨日歌舞城中人。今日淒涼山下土。山下土無今古白。狐寒嘯。獨體煙青。燐夜灼。蓬科雨。英雄異代不知名。高封大樹如掌平。喪車鱗鱗日不絕。後人來葬前人穴。後來葬者還應多。可憐歌舞何時歇。

彭楚伯

葵丘行

馳驅荒原三百里。據馬搖看黃河水。河干風雨日瀟瀟。斷碑古廟識舊址。聞說當年會葵丘。桓公諸侯皆於此。萬年伯業今何如。千古英雄心欲死。荒野孰能考勝事。西風空傷落日紫。鐘鼓薄莫不聞聲。憑弔徒悲高臺圯。

楊繼芳

昭關行

昭關之下東流水。昭關之上白雲起。雲中老樹怒
藏風。岩際窮猿飲石髓。空谷迴合發寒煙。殘碑蕪
沒蒼苔裏。却憶當年過關人。恩怨於今俱已矣。吁
嗟乎。吳楚已往門不關。千年險要成荒山。山色空
濛不可問。車塵馬足幾時閒。

新來祀竈歌

七年作吏骨珊珊。不能拔足宦海之波瀾。愁懷結

暮雨燈影帶餘寒。薄言送君酌江蘩。四壁風塵愧
此官。官貧由來易得過。清濁惟有君勘破。守拙無
能媚。要津焚香恕我安。然卧卧起正黃昏。想君到
天門。何不引我孤臣萬里魂。屋漏無慙達至尊。至
尊不可見。薄俗多遷變。倏而神交倏而心戰。吾自
任吾真。虛中無所羨。不敢落落漫同羣。不敢悠悠
負聖君。白水青松堪卒歲。空堂日日鎖閒雲。

登報恩寺塔

我來登寶塔。塔上起白雲。迷離金陵千萬戶。側耳

彷彿江聲聞江上游人有風波江城日夜襍笙歌
天地漫漫無窮已巖巖一塔竟如何云藏牟尼舍
利珠精堅貫日不可汚不可汚寄浮圖枯骨今何
殊噫嘻人有舍利自焚屠羞生惜死良可吁黃金
修塔胡爲乎

張
檠

舍利一物乃精氣所積而成不足異也心
經言舍利子是諸法空相空有形質趙州
亦不尚此世之建塔而崇奉之並禮拜其
光氣之變幻者總無當于大道延仲此作
足以破惑

漂母祠

人云漂母肝腸真余曰漂母非婦人當時兩淮之
間隱君子睥睨雙眼處風塵君不見楚重瞳執戟
不辨雌與雄又不見漢高祖得信乃與衆人伍以
彼劉項且無知淮陰少年安足數丈夫生未逢時
困沮無所長低眉寄食壯心傷王孫數語感激堪
入骨詎止一飣之恩不忍忘天爲蒼生儲國士故
遣經綸厄淮水假使人人盡漂母塵埃將相等閒
皆可指

登報恩寺塔

何年振錫觸地戶湧出琉璃五色光。鈴鐸泐泐聞
數里雲氣時流闌楯旁。俯看長江一衣帶亂山。躡
沓點青蒼。百萬人家渺茫裏。天風獵獵吹衣裳。塔
前巨殿久已燬。聚衆鳩工將重起。檀那喜捨恒千
金。積財如山人如螻。噫兩淮迤北。饑骨撐拄無人
憐。此地日靡億萬錢。人寧務此不務彼。皆曰寶塔
舍利光徹天。

張晨

塞下曲

戰國以還貳千歲。秦雲突岬長城端。黃河一曲蕩
紫塞。天馬葡萄來漢關。漢家功臣壯天紀。麟閣嗟
峨向天起。衛霍勲名瀚海陰。烏孫幽怨黃沙裏。征
婦家家嘆落暉。征夫夜夜聽流水。鴻雁南歸雪滿
天。塞門月落萬峰烟。不知旄節何時盡。青海霜飛
又一年。

汪宗周

錦車歌

漢書西域傳馮夫人名嫫。漢宮人也。善史書。乘錦車持節和戎。回按此事甚奇。而六朝唐人無入篇詠者。惟劉孝威詩云。錦車勞遠駕。韋元旦詩。國命錦車傳。駱賓王詩。錦車朝促候。刁斗夜傳呼。徐堅詩云。風搖錦車節。月照角端弓。僅一句一聯而已。此事可誦可傳。勝詠明妃之失節。文姬之傷化。爰作歌以表之。

漢家三十六將軍。立心塞外掃塵氛。橫劍馳鞍幾萬里。瀚海天山無暮雲。公主琵琶凝幽怨。馬上淚透石榴裙。薄命豈但憐妃去。損威何可令人聞。丈夫詎料在中幙。願得和戎報明君。安坐錦車辭鳳闕。麒麟帶鏤紅玉紋。蛾眉具有英雄氣。寶蓋霓旌多芳芬。萬乘親推見鄭重。千官出餞申慇懃。迢迢自持蘇武節。指顧能成魏絳勳。克汗稽顙問名姓。部落嚙指驚同羣。歸來明堂錫上賞。一時文武何所云。

奇事久矣淹沒得此拈出

盧傳

海云懷古吟

有美人兮山之阿。宅邊五柳樹婆娑。中寫桃源詩。一幅樂天知命聽鷓鴣歌。有美一人婉清揚。驅車四出遍齊梁。心在唐虞著擊壤。醉裏乾坤日月長。予生末季弔踽涼。每念伊人今之望。廉頑立懦百世師。山高水長天一方。陶兮邵兮安得與爾翱翔兮。嬉歌咲傲而偕臧。

哀斯世

哀斯世。世堪哀。到處萑苻天不災。因此上官勤備禦。勒令州道縣府督催來。今日供夫役。跋山度水不得回。明日供粟米。取盈益貸未肯開。家有母兮子不顧。室有兄兮弟莫陪。并棄妻孥走異域。死喪疾苦等塵埃。勉強數民戀廬舍。猛虎四出啣入山之隈。一望平原沒阡陌。高高下下成蒿萊。哀哉田無收。今租莫出。課不輸。今官敢裁。爲此囊頭并夾指。滿身痛苦不冤哉。爲問斯民斯苦何時出。必須

天○心○憫○覆○萑○苻○盡○灾○猛○虎○莫○胎○上○官○弛○備○禦○縣○府○
不○督○催○小○民○樂○業○君○子○惡○財○始○熙○熙○然○棄○茶○苦○而○
登○春○臺○

道州詩痛摯夷中詩簡切此詩真實吾嘗
痛哭而讀之凡為民父母者皆宜痛哭而
讀之

思親作 巳亥中元月

雙親不見我心酸○敬展儀容細細看○
向日宛然無一語○呼爺呼母恁多般○
憶昔庭前教幾許○撫摩膝下輒多歡○
每道讀書人不負○青燈黃卷苦心觀○
何

名稍成親已逝○目中有淚空自彈○
所以曾子孝○鷄豚逮親餐○
子路負親米○百里亦心安○
痛我為人子○雙親早乘鸞○
豈親住世少○致子棘樂樂○
嗟哉父長母○今十五歲○
父先母沒○五冬寒○
各享春秋六十五○
父今加壽十支千○
人生七十稱稀古○
雙親之年豈云難○
祇因為子不早奮○
致使風木之感○
徒漫漫○
嗟哉人子○宜早奮○
母使風木之感○
徒漫漫○

人子意中事正
不必追琢為工

趙我修林宗墓

拜郭林宗墓

東漢相高大雅名超羣獨數郭先生先生夙望齊
山斗絳帳弘開百世榮道氣深藏何所羨入洛訪
賢多繾綣珊珊丰骨欲凌霄冷然不受司徒掾雅
度汪洋未可量折巾瀟灑更疎狂貞隱推心范孟
博作銘不愧蔡中郎我來謁墓青松下蒼鼠千羣
竄古瓦物換風移幾歷年挺挺玉樹埋荒野綿山
頂上走麋鹿汾水河邊飛鵠鷓墳頭欲掛延陵劍
生芻一束為君哭今朝痛哭固為君尤為大道在

君身瞻仰無計招魂起但見頽垣度夕塵

乃來從余弟辨若言詩其學已超然軼羣觀此作可以尚友古人

鄭履聲

浩歌

鑄劍莫鑄徐夫人讀史莫讀漢建寧飲酒莫飲新
豐市行路莫行京洛塵蕭艾蔽華谷蘭玉摧芳馨
鳳鸞不得食鳴鴉噉瓊英赧赧此身何太苦長欽
周遭無國門

吳潔

述內

有田種稌休種黍。有池漚麻復漚紵。黍稌油油均
靡成。麻紵漸漸未就杼。盎儲傾罄析衣單。柴門晝
靜日初署。買絲難繡平原君。乘鸞唯畫秦王女。季
子倦遊曼刺錐。文章誰足任烹煮。牛衣對泣空爾
為。男兒為虎非為鼠。

白銘

歸來行

與君結好華顏敷。低眉宛頸宿金鋪。恩深怨重愁

思燕倚徒今何所。龜甲屏風雙膝紆。倚徒今何所
紫花之墩紅氍毹。脫我金釵玳瑁珮。珊瑚株擲我嫁
時青珉香唾盃。還君耳邊明月雙佩珠。香奩細物
不可數。碎之堦前承。以跌承以跌。復踟躕望君歸
來待君娛。

香艷似漫庭筠

黃周星

麻姑艸堂詩贈徐次律

大丈夫何不驂龍鸞。騎蟠螭東凌滄海坐蓬壺。又

何不走蜚廉。鞭剗缺西陟。崑崙瞰桃都。安能跼蹐。眼前十笏斗大室。獨抱蠹簡窮年兀坐。如囚拘世間難遊盡者。好山與好水。難見盡者。異人與異書。百年昇鼎茵。蟪耳積蘇累。塊空雄圖。且莫言五嶽遠。且莫言九州殊。卽如宛陵。近在。家山咫尺地。敬亭華陽諸勝。安得驅之枕案。供人耳目娛。謝眺李白空叫絕。愚公移山。豈是今之愚。忽有徐子笑而起。曰。吾學得少文法。能使千峯萬壑。晨夕繞吾廬。吾家近在姑山麓。父老兒孫。山與吾衆峯羅立。紛

拱揖蒼者如吏。翠如姝。白雲五里或十里。長松千株。更萬株。鸞飄鳳泊。虎豹蹲。好女狀貌神仙居。茲山雖小。頗靈閔。岫嶁宛委。似不如草堂數椽。無聖躩。青山滿屋。泉流渠。風雨欲來。惟宵靄。雲霧將去。還踟躕。徐子高卧。恣觴咏。醉呼懷葛。嘲黃虞。朱輪絳幘。那敢到籬下。下叱五侯七貴。皆羣奴。盧鴻終南神智稿。杜甫花溪形影癯。何如徐子巖澗樂。可遊退谷。泛杯湖。我更對君發浩想。天下名山非一區。峨眉匡廬。競雄灑。台蕩九子。奇秀俱君。何不結

廬于巨靈之掌。夸娥之跌。象王之鼻。玉女之顛。雲
海盪其胸。魂簾瀑滌其神。膚何但規規家山一片
石。直欲跨嵩嶽。吞衡巫。徐子大笑。君莫迂。姑山
草堂天下無。噫吁嘻。誠如君言。姑山艸堂天下無。
才思橫溢亦見
胸懷之廓落

魏喬介

過楊忠愍祠

我行八月燕山道。白溝河邊秋欲老。堤平沙靜雲
不飛。易水西來波浩浩。道傍舊有椒山祠。忠魂直

上逼蒼昊。拜瞻公像起徘徊。洒泣再讀擊奸草。奸
人殺公公不死。藏血化碧不可燥。爍爍列星是公
精。十年歲社敝蘋藻。世蕃之屬獨何為。嗟哉豚鼠
多顛倒。

贈喬文衣

中丘侷儻有喬生。十年杖策走春明。途窮慟哭彈
長鋏。揮毫咳唾比荃蘅。一官黃綬輕如羽。郊廓之
間留治譜。杖履忽復凌波濤。海外冥心觀太古。不
見安期與羨門。但見晚潮落青浦。匡山大艦鼓聲

腐黑風吹起蛟螭怒戰罷歸來血滿股手持露布
橫槊舞丈夫生有力如虎紛紛肉食何足數飲子
酒讀子詩金石之氣備四時春來積雪冷空齋我
有奇文向子語子才真可萬戶侯何爲又向海濱
去

桃源行 有引

昔晉有高士陶淵明置身三代嘆其身遭
劉宋禪代之際世之人莫已知也故作桃
花源記綴之詩以自明其古處其文云此

中人語云不足爲外人道也嗚呼非此中
人足道乎又云劉子驥親往未果後遂無
問津者嗚呼非其人津可問乎乃唐人如
王摩詰劉夢得韓退之等皆以桃源爲神
仙而東坡亦不能辨以爲漁人所見乃避
秦者之子孫是皆無異於說夢也余嘗熟
讀陶集偶有所見擬作數句雖詞意膚淺
庶幾有窺于作者之意云爾

淵明自謂羲皇人作爲詩句擬避秦秦人宋人一

游○派○集○ 卷四
而○已○詐○力○篡○殺○不○足○詢○柴○桑○自○有○桃○源○渡○洞○口○雲○
深○落○英○聚○鷄○犬○尚○有○古○音○聲○衣○裳○不○作○新○制○度○此○
中○避○世○可○千○年○春○花○秋○月○自○娟○娟○峽○中○不○知○人○何○
事○世○人○遙○望○惟○青○山○山○色○溪○光○終○不○改○武○陵○白○雲○
自○相○待○却○笑○時○人○欲○問○津○避○秦○之○宅○竟○安○在○

雲龍吟

昔○有○退○之○與○東○野○欲○爲○雲○龍○相○追○逐○抒○其○不○平○之○
鳴○吾○友○又○見○猶○龍○氏○肝○胆○無○猜○共○此○生○奈○何○落○羽○
復○分○飛○驚○心○雷○雨○之○碎○甸○西○出○井○陘○塞○南○走○城○臯○
道○汾○水○悠○悠○無○盡○時○黃○河○東○下○連○滄○島○安○得○與○子○
徘○徊○鉅○鹿○下○讀○史○遷○奇○文○之○浩○浩○不○然○憂○能○傷○人○
使○我○鬚○髮○皓○白○如○雪○而○將○老○

玉泉篇

玉○泉○之○水○橋○下○過○既○清○且○漣○非○洪○波○誰○家○孤○子○髮○
初○純○翩○翩○游○戲○城○之○阿○命○如○飛○蛾○投○漩○渦○炎○天○白○
日○怒○蛟○鼉○中○流○失○壺○空○駭○賊○

又

呂○梁○十○丈○奔○如○駛○丈○人○常○涉○洄○湍○裏○豎○子○之○能○不○

我知魂逐涓涓玉河汜。寒裳欲往不可止。鬼母啾啾髮垂耳。

又

嗚呼人間風濤何其深。洞庭既波滌瀆。侵長鯨。礪齒若霜。鐔左徒空弔楚江。濤彼君子兮。太厲舟楫。濟一世而為心。

送王思齡歸合肥

長安有客思山桂。掛席秋風潞河汭。邊城一雁正高飛。爽氣澄霞雨。新霽憶昨承恩衣。繡衣太倉充

溢鼠雀稀。六軍白粲滿區釜。君王玉饌有光輝。左省高資重庭闕。特簡清秩班卿月。入告我后盡嘉謀。退食委蛇無請謁。江上雲山夢裏來。知君肝胆幾徘徊。金樽滿酌不辭醉。茫然清興使人哀。君不見八公仙去空山色。濡須之水流不息。功成方可拂衣去。莫到淮南忘薊北。

冬日祝竟甫家兄

戲馬臺邊山色濃。黃樓高處宴羣公。項王宋公俱已邈。寒烟千載空濛濛。吾兄東方擁千騎。兩漢循

良重經義秋水無波家室安呂梁洪下蛟龍睡契
潤于今有七年素懷耿耿各依然安得飛墮彭城
前棣華燦燦賦百篇

征人婦

譙鼓夔夔樓上鳴閨中思婦最傷情誰言嫁娶不
須啼良人三年事遠征遠征昨歲過仙霞嶺上無
人寄梅花今年又聞渡瀘水瀘水慘淡發哀笳哀
笳悲怨雜羌笛北風茫茫吹蘆荻回首燕山歲月
老天地無情雨浙瀝浙瀝雨聲濕征衣寇賊未滅

敢言歸葡萄江上春暉少點蒼山下雁鴻稀鴻稀
雁杳淚潸潸北旋思渡連雲棧滇黔崎嶇不可論
人似猿猱醉碧眼昨日巴牙到樞部捷音喧傳有
露布降旗已豎大理城前鋒欲向騰越路聞此中
心更怛然絡緯蕭蕭吟暮天安得獻書聖人前
莫向八百媳婦戍荒邊

邯鄲少年行

周高達夫韻

邯鄲少年良家子輕裘肥馬平千里拒守朱山曾
突陣大戰凌河身未死時移去事何紛紛易水燕

山○大○纛○屯○負○米○何○曾○逢○李○白○有○策○不○得○獻○吾○君○君
不○見○今○日○交○情○薄○五○侯○七○貴○自○相○索○以○此○抱○犢○西
山○游○欲○將○仙○人○大○藥○求○夢○回○明○月○寒○燈○夜○猶○憶○射
雉○三○十○頭

溯洞集卷四七言古下終

溯洞集卷五五言近體上

栢鄉魏喬介石生選評

禹航嚴曾渠方貽
錢唐顧之瑜不瑕
校訂

五言近體上

宋 權

冬夜客至

嘉○客○中○宵○集○虛○牕○雪○霽○初○寒○光○孤○月○下○清○籟○一○燈○
餘○鷄○黍○頻○相○約○風○光○迥○自○如○自○然○無○俗○累○安○事○絕
交○書

雨中遊王氏菓園

小園一夜雨。青翠響梧桐。繁菓多於葉。垂垂受晚風。烟收雲外白。花放草間紅。保此華胥地。休令賦小東。

置身千仞之上。德輝四映。協於元音。豈沾沾聲律者比。

楊思聖

過伏羲墓

莫測洪濛意。頽然土一杯。何年著草長。終古卦臺留。野水隨沙尾。孤雲抱遠洲。興亡千載事。憑弔漫

生愁

初祖菴

落日披素入空山。若有人。片峰留色相。石有達摩像。相傳為

面壁時所遺。孤樹老龍鱗。菴有樹云是六祖手植。崖暝烟嵐障菴

荒虎豹鄰。誰將一葦渡。到處是迷津。

登華山

白帝蟠西陸。川原彌望中。真形胎造化。惟石老鴻濛。鐵鎖千尋引。天門一徑通。超然人境外。俯視盡虛空。

又

凌○空○高○不○極○大○地○盡○紛○紜○渭○水○波○光○細○咸○陽○陵○樹
暍○龍○雷○當○晝○動○鐘○鼓○半○天○聞○何○日○潛○雲○壑○常○隨○羽
士○羣○

又

山○雨○澄○新○霽○天○清○踏○嶽○蓮○神○泉○空○外○落○古○木○竇○中○
懸○揆○草○尋○丹○竈○囊○雲○譜○內○篇○游○塵○何○處○息○目○盡○只
蒼○烟○

灑氣蟠空覺崔顥岵堯
太華之作平平無奇

郭汾陽祠

道○傍○遺○廟○在○立○馬○歎○斜○陽○一○代○中○興○業○當○時○異○姓
王○山○河○圍○棟○宇○鳥○雀○亂○祠○堂○多○少○興○衰○事○空○懷○弔
古○傷○

王景畧墓

捫○虱○談○何○壯○江○東○無○此○人○入○山○謀○出○處○哀○亂○托○君
臣○伐○晉○策○終○失○吞○燕○志○不○伸○徘徊○古○墓○下○落○日○見
荒○秦○

四十字中已
盡景畧生平

班仲升墓

投筆緣何事。封侯願已酬。黃沙漠闕遠。白髮玉門秋。望遠家人切。生還聖主優。可知千載下。寂寞祇高丘。

馬嵬

鼙鼓漁陽急。鑿與西幸長。娥眉遂碧血。將帥且銀章。落月深宮恨。淋鈴夜雨傷。墳頭芳草色。猶似戀君王。

說得不寂寞而隱諷甚深

茂陵

寂寞高原上。疎風禾黍哀。豪華追往事。拓畧想雄才。封禪終何益。神仙竟不來。可憐民力盡。遺恨在輪臺。

祈枯之遺

至寶鷄將入棧矣。計啟行之日。已歷春而夏。

寒暄遂易物色。亦殊蓋不勝旅人之感云。

行李何曾定。連雲入蜀天。鄉遙風物異。客久歲時遷。隴樹飛鸚鵡。巴山啼杜鵑。蕭蕭官署靜。旅夢幾

春遊覽

鴉鳴春樹曉。初日照城樓。寶騎聯公子。金輿度列侯。歌鄰南陌動。客過北堂留。誰念青門外。啼鴻滿道周。

秋日閒居

傳說魚池地。金元有舊銘。興亡時已易。歌舞昔曾經。老樹壇墦黑。殘陽壁壘青。依違堪玩世。無用泣新亭。

梁清標

感興

太液流波靜。秋霞入苑明。曉鐘仙仗出。委佩鳳池鳴。殿陛興綿蕞。橋門拜老更。漢家天子貴。猶召魯諸生。

對雨

寂寂多歸夢。濛濛起暮寒。蚤為婚宦悞。始識道途難。車馬羞時態。親朋憶舊歡。喜餘牕外竹。獨傍雨中看。

寄贈趙聖根令武安

攜琴從鄣上。綰綬向中原。家有精忠詔。人知廉吏孫。穠花開滿縣。蔓草刈當門。治行推高第。雙鳧達至尊。

冬日從獵南苑

宮錦壓鞍紅。韓盧逐遠空。瑠弓殘雪外。威築暮雲中。馬嚼霜原草。鷹呼苑囿風。千夫赤羽膳。共試佩刀雄。

夏夜集金魚池同石生總憲淇澹司馬似斗司寇湛求方伯喜而有作

晚涼池上好。蕭颯似漁村。燈火明林屋。星河落酒樽。放歌吾輩在。擊筑幾人存。欲問乘槎客。蒼萍水氣昏。

又

落日共披襟。關關聽水禽。醉鄉司馬態。濁俗石交心。波定天光見。臺高暑氣沉。悄然羣動寂。風雨有龍吟。

矜貴中有蒼秀人。知其度之雅。不知其意之沉。此五言長城也。

王大捷

曉發黃牛青草諸峽

晴嵐催棹去。歌枕看山容。岸折舟疑轉。崖旋峽類封。開巖常見鳥。理楫快登峯。不憚搜奇秀。飛流度幾重。

秋杪自蜀還楚望沙津時風日清佳

一別經年後。歸歟且汎槎。檣鳥明遠渚。旅雁畫平沙。浩淼巴山盡。清醒楚客賒。淡容無所累。烟艇足生涯。

余師鴻飛冥冥世莫得而物色之著作甚富笥中偶獲二首奚啻拱壁

王永吉

遊蝶園和楊贊皇韻

白狼爭問字。誰道草玄非。潑墨濃雲起。論詩大雅歸。重逢國士聚。不信古風微。喬岳高千仞。掀髯獨振衣。

王熙

春日扈從南海子觀大蒐

上苑回春馭。傳呼夜漏催。六龍雲裏下。八陳日邊開。細草鳴鸞地。雄風買駿臺。應知宸算遠。不為

詩戎來

又

大閱乘時令。宸遊想大風。騎騰急電外。馬叫微雲中。
時聞馬鳴 禽獲三驅遠。扎穿七校同。願言海晏後。無復事車攻。

燕許大手

杜芳

晝寢

隱几莊非昔。涉愁宋是予。九招逃遠道。一醒恨多

蘧兵火經年事。山川計日書。獨憐陳處士。乞得泰華居。

遺題

秋風吹客起。匹馬度沙汀。到此頭堪白。往來山故青。
浮雲燕趙士。落日短長亭。慙彼黃花笑。文章漸不靈。

積山寺

春水桃花下。亂紅山寺邊。雲歸晴滿岫。風定影涵天。
飛鳥人相忘。談經石亦玄。浮生閒半日。塵劫自

何年

去河南別同鄉張生

乾坤甘自腐江漢有同情問我方知姓憐君久得

名文章仍舊在世態此新生總是天涯別悠悠道

路情

林風入董固

啞啞鳥聲起深溝藏數家纔經白馬渡錯認武陵

花落日啣空樹回風咽斷沙近來擬避地或此駐

窮車

讀書蔡氏園

風晴兩夜雨半落海棠花茅屋松聲渺竹牆日影

斜遊蜂迷徑草歸鳥撲林霞白酒青春晚蹉跎感

歲華

秋夜

落葉散如雨庭空似有情明月涼於水虛牕不可

橫長天來鴈影半枕自風聲此際心何限吾亦愛

吾情

讀破萬卷超然心悟遺詩得之道宜年兄
前此立雪未嘗言及固知義蘊宏深神明

浩曠者不可... 以尋常測

許作梅

病起

病起臨書几。塵封經月餘。身勞唯藥石。鄉信一鴻

魚。白髮寒花妬。青松好客疎。難言學大隱。何地可

樵漁

雨日常朝

金闕曉烟溢。濛濛啟禁鐘。雨餘開御仗。雲起護飛

龍。王政存周禮。朝儀肅漢宮。氤氳天氣合。湛露九

霄同

過依水園

勝地私吾黨。相思寂寞多。朱亭迎白日。綠岸逝晴

波。幾載看花去。今辰乘馬過。風塵秋又老。幽賞意

如何

起有高致

比干墓

憑弔蘓門麓。孤臣墓草枯。云何七竅血。不獻九疇

圖。山木湯孫樹。染盛宋子腰。焉能戊午日。慷慨固

殷都可作殷有三本論木影紅林紫蓋來于懸畫輪九千日劫劫

百泉可作殷有三本論慕草林云何小痕血不精火

百泉

瞻彼百泉下朱亭湫灑侵乾坤多戰後烟雨此溪深白鷺橫秋影青蘋亂石沉泉源不厭客瀾瀾逃

如今無限感慨安樂窩思如寶米事敗白日將泉漲

安樂窩

大道龍蛇在高閒樂不如河山歸浩嘆雲壑謝徵

書天靜梅花落風輕竹影疎蘇門一片石千載共

盈虛

較太白贈孟襄陽作可以伯仲

送史煥章都諫假歸

客中難送客又見錦帆開潞水河梁樹燕山春郭

杯白雲今日往青瑣隔年迴握手休驚別空江候

鴈來歐陽修

暮登烟雨樓舊臺

烟雨寒流濶荒臺暮影偏蘭舟登此日繡草自何

年歌管空閒巷。漁燈近市。屢猶憐。一片月落落。湖邊暮。登臥雨。對書臺。

過慶都

凋瘵仍堯甸。來遊嘆物華。那堪流水岸。猶度使星槎。中澤哀鴻切。西風落鴈斜。田疇新草闢。茅茨幾人家。

行河

野馬驚塵起。長鯨夾岸吞。堤前仍負土。河外未歸村。舊穀逢年盡。飛沙力役煩。行踪看欲徧。無地不

銷寬

傳岩詩一往情深
令人低徊不能去

嚴正矩

涉園

剪棘成茅屋。臨溪廠竹軒。遊魚隨意樂。浴鳥自相喧。榛草從填徑。扁舟長繫門。桃花流近岍。彷彿武陵源。

又

遠樹蒼茫外。環溪碧水深。繁花非一色。好鳥有遺

音竹露垂秋月松風響玉琴白雲堪送老引興自
長吟

又

蓬門啟復閉。曲徑少行車。避地堪終隱。浮生應有
涯。臨流哀網罟。望野羨桑麻。種秫方將熟。村醪暫
可賒。

送五弟歸里

送爾何能遽。高堂念老親。倚門看落日。翹首憶天
津。菽水煩吾弟。萍藻嘆此身。三休如獲遂。孝友娛

良晨

送友人還武昌

黃鶴烟波去。秋風葉落初。臨岐斟濁酒。揮袂上征
車。楚樹連天碧。湘雲映水虛。寄言江畔客。吾意念
鱸魚。

寄友人陳信菴

故人分手處。回憶却沾巾。君欲南歸楚。我將西入
秦。暮雲橫斷嶺。烟樹繞平津。尺素爲相報。塞垣白
髮新。

龔鼎孳

錢塘江行

秦暮。錢塘江行。霸業消烟水。潮荒萬弩風。片颿殘炤下。孤月亂流中。歸馬方嘶北。征鴻日向東。喜聞金革定。丹壑縱衰翁。

枕上過釣臺

孤客愁中夜。空江人語長。前驅防虎穴。急鼓過魚梁。鳥味西臺慟。羊裘故態狂。夢回驚掉臂。一臥負滄浪。

夜發木樨灣趨瑞洪

緣。岬。奔。沙。激。臨。淵。宿。火。寒。且。須。愁。獫。狁。夫。敢。訝。風。湍。身。世。危。檣。小。江。湖。獨。夜。寬。健。兒。弧。矢。意。飛。動。慰。衰。殘。

嶺南歸興

戰。鼓。鶯。相。亂。歌。臺。鹿。竟。遊。月。應。晴。故。國。花。已。放。春。愁。屐。齒。蠻。烟。滑。歡。場。老。鬢。休。錦。帆。絲。竹。路。閉。戶。亦。丹。丘。

雨中入南華禮六祖

老石盤榕大。修篁拔地陰。到山羣籟息。過雨翠微深。遲暮悲塵事。兵戈長道心。風帆珠塔外。真有妙香尋。

嚴沈

春日漫興

吏隱淹微尚。栖遲帝里春。虛名慙諫草。薄祿慰慈親。馬度垣松直。鶯啼苑柳勻。主恩殊未報。不敢慕垂綸。

又

補袞瞻天近。班衣愛日長。生成看鷺雀。戰伐剩豺狼。紙筆兒誰好。柴桑婦不忘。閉門焚草畢。歸夢五湖傍。

揮塵而談
其人如玉

朱紹鳳

塞上曲

書生本燕額。結客度龍沙。朔氣金戈冷。邊風玉轡斜。射鵬千嶺雪。落鴈數聲笳。坐看樓闌滅。銘功報漢家。

明妃怨

凄凄鴛殿月。黯黯玉關風。有淚辭明主。無金買畫工。黃雲秋鴈冷。碧草夜臺空。傳得琵琶調。千年泣漢宮。

懷友

不信經綸手。飄然理釣竿。高吟飛白燕。幽夢斷青鸞。秋水芙蓉暮。空山橘柚寒。相思千里月。長向畫梁看。

柯聿

署中習射

漫說公餘逸。時從射圃臨。以茲當運甍。豈必異鳴琴。氣靜調弦正。神清沒羽深。不須矜貫甲。聊爾散幽襟。

輕裘緩帶可想
羊叔子當年

申涵光

遣興

豈敢名高尚。山園已定居。數椽風雨外。萬事死生餘。避地尋丹訣。傳家有素書。天寒松酒熟。日日瀟

樵漁。此。事。只。在。於。家。而。素。言。天。與。林。而。日。日。

又

沙岸長林白。鷄豚委巷深。幽偏遺薄俗。昏旦倚天心。終日看飛鳥。有時彈素琴。蘆笳吹塞雪。何處鴈書沉。

雨後林慮道中早行

曉渡青泥坂。秋花亂馬蹄。不知山寺近。漸覺遠村低。萬事驚鞞鼓。孤雲入杖藜。蘓門高卧處。為訪碧峰西。

郡樓秋望

草際鳴蟲急。蕭然窮巷秋。閒看林外水。獨上城南樓。落日浮蒼莢。西風動白鷗。晚山青欲近。昨夜雨初收。

固關

一路蒼烟曲。雙崖跨石門。隔林遙負水。穴土自成林。棗栗荒城少。唐陶舊俗存。晚看投宿處。鷄犬聚雲根。

鄴中客夜

傷脾停晚食。滅燭厭鄰聲。舊事思何益。羈愁病易生。山風吹鴈落。隙月射牀明。不見應劉輩。何人在鄴城。

寄楊猶龍時為蜀中方伯

貴陽新入貢。邊馬亂昆池。蜀是徵兵地。君當轉餉司。追呼嗟力盡。凋敝倚官慈。懷古多名作。應先漢相祠。

寄懷容城孫鍾元先生隱居蘇門

地自孫登後。高名屬許衡。君來前跡掩。更覺百泉

清饌薄。供春蕨。寇存濯。舊纓向時親。捧杖谷口約

同耕。

贈魏子

愛客貨常盡。浮家餽草亭。茶香兼茉莉。酒白汎雲苓。方術閒多悟。人情薄懶聽。因君兄弟好。里俗化原鴿。

周沔肇

南昌雜咏

百年形勝地。過客動悲思。鹿走寧王殿。鴉啼劉綆

祠波濤豐劍去風雨鐵宮移只有章江水蒼茫到此時

薛所蘊

韓家莊謁文公塚

孤墳村壠畔瞻理景蕭蕭後裔人誰辨韓莊名自標斷碑橫野草古栢認前朝獨有雄文在河山光氣遙

周亮工

空隱和尚俗臘

生天良不易選佛亦難成但說慈悲力能銷戰伐聲病猶甘敗寺老益賤虛名一笑桃花發春風第幾庚

衲子多為妄語讀此猶見實証

王無咎

送五溪歸越

大地吾徒在分飛一葉還殘陽明野水遠路亂青山禹穴丹楓老曹江白鷺閒勿言歸計晚今日少鄉關

狼屢傳燒棧道。又報遣名王。尙肯遲明發。分符自有疆。

吳均

元日

節遇上元日。青陽動物華。良辰觀禮樂。瑞氣卜桑麻。柳欲迎風葉。梅仍帶雪花。藉田新賦就。准擬獻

天家

黃金臺

燕王懷齊怨。築臺招列賢。樂生能拓地。鄒衍善談

天既定七雄。霸更求三島。仙寧知荒堞。上落日集

寒鳶

伯其之學無所不窺五言近體矜筋近于自然殊無浮響

吳雯清

段橋月坐

峰靜晚鐘寂。幽襟寄水濱。村遙燈影暗。樹黑鳥聲聞。風碎一湖月。天空半夜雲。西冷波已淡。我獨挹

清芬

山寺雨懷

搖落陰霾久。滂沱足慰耕。苔深連草碧。泉滿帶沙平。
寺午殘鐘咽。風寒老樹鳴。竹鷄啼不住。應動客心驚。
宿邯鄲遇友人夜話。林盡登涼部。樹黑鳥啼。邂逅投茅店。他鄉樂夕晨。燈殘驚馬鐸。酒薄拂車塵。霜冷官程月。風先帝里春。相將尋舊蹟。此夜夢誰真。

興會偶集

星聚忘賓主。歡成山水緣。清狂隨意適。嘯傲任情

偏秋為寒峰。老林因夕照。鮮劇遊看欲。暮歸鳥落城邊。

真州道中

澹月碾林杪。霜花烙路新。鷄聲連野店。鳥影背孤城。曙色催星逝。朝寒較夜深。應憐殘歲客。俱是未歸人。

唐人名家詩不在多。每首必有三聯。獨到處如方漣。諸作所謂胷中自有丘壑。

沈荃

朱仙鎮謁岳武穆祠

奕奕朱仙廟。荒荒白日陰。金戈百戰地。毳帳兩宮心。風雨靈旂暗。丹青古殿深。堦前有松柏。每夜作龍吟。

又

宋室偏安日。將軍盡瘁時。奸回真悞國。痛哭竟班師。碧血千年恨。丹心異域知。往來瞻拜者。不忍讀遺碑。

丁澎

瀛臺直奏恭紀

輦路開清蹕。宸遊動曉鐘。射鵬傳校獵。憫雨念先農。仗轉西山翠。珂鳴左掖松。小臣齊鵠立。雲裏望真龍。

舟山捷至

上將王寧朔。中權謝鎮西。蛟門秋結陣。禹穴夜聞鼙。白羽搖沙島。青帆散水犀。長鯨新築壘。麟閣會標題。

劉芳聲

舟過青山有懷

氣逼盛唐

汪入琬

出塞

窮邊踰萬里。辛苦事從軍。馬臥陰山雪。鵬盤瀚海雲。孤亭明戍火。千障暗妖氛。何日憑龍劍。還成衛霍勲。

蚤朝

紫陌晴光蚤。皇州瑞氣深。雲浮仙闕動。月傍御溝沉。柳外銀河發。花邊彩仗臨。一時霄漢侶。相對整

華簪

花迎劍佩柳拂旌旗可擬其度

懷既庭下第時已出都

知君新失意。驅馬復南行。地盡河流急。天低岱嶽明。鶯聲迴旅夢。草色引歸程。漸喜園林近。無勞動客情。

蔡含靈

淮陰侯祠

背漢誠無意。持盈道未通。猶留百戰業。不逐一時

空赤帝從來忍。崩生預見終。良弓如可念。俎上顧而翁。

王元晉

送別孫麓樵

百年身是客。宦跡漫浮沉。君去臨瀛海。予方愛碧岑。青尊堪笑傲。白髮任侵尋。為有岐塗別。清歌獨倚鐔。

劉府蚤發值雪

時庚子元旦之次日

令節方稱兕。星輶忽漫游。風微清曉動。天濶野雲

稠。草閣欹臨水。瓊花曲倚樓。蒿萊瀟瀟四望。鴻雁幾

時休。

壽春蚤行

雪霽晨光燦。風清寒籟呼。山疏看掌列。松密見屏鋪。高岸長橋古。微波小艇孤。蒼茫粉堞近。垆牧盡平蕪。

憂時愛物動於言表

毛達

寒鴉

寒鴉小於鶴。白項半相追。反哺曾無意。饑驅任所
之。侶。矜。毛。羽。好。未。見。語。言。奇。應。愧。隨。凡。鳥。上。林。亦
借。枝。

奉和李坦園先生九日武闈監射遇雨

秋闈今選將。講武出郊原。震電鳴桴鼓。星旗拂雨
痕。插萸環射圃。揚觶倒金樽。猛士真難得。登臺好
細論。

初冬

但覺寒來漸。冬衣取次加。親朋幾日到。風雨一簾

斜。裘。薄。常。依。酒。囊。空。祇。思。家。庭。前。看。暮。影。獨。立。數
歸。鴉。

冬至次日

昨日已冬至。今宵更夜長。增寒方數九。刻漏未蠲
香。地。冷。梅。難。購。天。陰。雪。易。光。不。知。宮。裏。線。添。得。幾
回。忙。

臘月二十三夜晚祀司命正財

手把芙蓉水。送君朝玉京。匪因求富貴。敢復問枯
榮。展轉經年事。沉吟四海情。置身非物外。何以慰

天○松○戶○堪○容○膝○蓬○門○止○數○椽○空○齋○無○一○事○苦○誦○少
陵○編○

魏裔訥

自○魏○家○莊○赴○順○德○途○次○口○占○
迤○邐○西○南○去○遙○看○黛○色○寒○秋○催○砧○杵○動○霜○染○菊○花
殘○蟋○蟀○吟○何○苦○征○鴻○影○未○安○岐○塗○隨○老○馬○薄○暮○尚
蹒○跚○

赴彭城省兄作

同○氣○憐○分○袂○于○今○已○七○年○江○關○千○里○隔○風○雨○寸○心○

懸○馬○踏○延○津○水○書○攜○大○陸○烟○雲○龍○山○色○好○相○待○小○

春○前○

過湯陰望岳武穆廟有感

宗○臣○挺○至○性○遺○廟○在○
心○權○奸○沉○鬼○域○忠○烈○永○椒○馨○桂○酒○何○時○奠○憑○鞍○淚
滿○襟○

欷枕

欷○枕○何○曾○寐○披○衣○百○感○生○風○颺○吼○落○木○沙○磧○掩○孤
城○兵○燹○神○州○泣○蕭○條○旅○夜○情○牀○頭○寶○劍○在○拂○拂○欲○

悲鳴

渡黃河

脉自崑崙發。奔流落海東。驚濤千里浪。巨艦一帆風。北拱幽燕壯。南連汴泗雄。懷襄思往事。永慕夏王功。

永城道中晚行投宿郭外話前朝事

漣水環隄外。鞭弭落鏡中。暝烟歸澗黑。返照映天紅。星與房心接。波將淮海通。停驂咨遺老。興廢感余衷。

馴鶴亭

家竟甫長兄防河彭城新構

亭虛無碍眼。竟日對青山。不意宰官署。如遊泉石間。林幽琴韻冷。人靜鶴飛閒。千載登臨興。相將一解顏。

風

不意京華裏。新春日日風。幽林鳥羽亂。深殿古松鳴。沙觸鬚眉變。寒侵短褐輕。衡門夙有願。擾擾滯浮名。

詠慈仁寺松

盤曲多奇狀。階前翠色濃。樂為開士友。耻受大夫封。潤渴餐朝露。清談對晚鐘。禪心能似此。貝葉總無庸。

報國寺市

百貨臚階砌。闐闐車馬來。若甘瓦作缶。安用玉為杯。象箸商臣泣。綺羅賈傳哀。移風思太朴。蘭若一徘徊。

蒼然古色。命意落落不羣。

東汪別墅

輿瓢宜曠野。况復面當山。地僻塵囂遠。林空秋氣閑。糟丘新築壘。蓮社好開顏。尚恨繁華誤。相期早閉關。

又

此地稱荒瘠。名賢古所稀。自余成小吏。稍覺有光輝。嗜酒因情洽。談詩入夜微。何人甘枕漱。共著薜蘿衣。

賀劉石帆鄉薦

豎志能堅忍。長安歷幾秋。但珍青玉案。不惜黑貂裘。

裴流水音堪奏。凌雲賦已收。曲江春正好。相望策
驂騮。

李嘉胤

讀太白詩

雪案披書史。誰憐白也才。暫開妃子笑。長對夜郎
哀。仙骨珊珊動。浮名冉冉頽。只應江上月。杯酒脫
纖埃。

宿興化院

輿馬頻經險。殘陽到院門。澗翻苔上石。塔掛雨中

村。樹老知朝換。山高見月昏。枯禪逢宿契。相對各
無言。

王士禛

新柳

憔悴江潭樹。今年發幾枝。故人天際別。無日不相
思。贈別憐新折。攀條惜漸垂。春風送客處。長憶武
昌時。

賦得邊馬有歸心

朔風邊草勁。代馬向風嘶。聳耳驚鳴角。哀聲雜鼓

宿一叔山齋曉起卽事

草堂今夜宿。清夢雜諸峰。不辨羣溪響。遙傳何寺鐘。春禽喧磻戶。涼雨滴杉松。欲竟前山約。烟中好曳筇。

雨止

碧漢歌微雨。美人橫素琴。窓前明月影。洞口綠蘿陰。丘壑結遙想。茅茨清道心。遠聞西澗水。寂寞響空林。

冬曉渡江

江南鷄唱早。舟子報潮生。估舶聞人語。沙洲集鴈聲。寒烟瓜步水。雜樹潤州城。重鎮南徐地。茫茫恨不平。

蒜山

龍宮開別島。石趾入江深。水接南瀼近。山連北固陰。寄奴空壁壘。公瑾罷登臨。顧盼英雄盡。東流自古今。

過丹徒鎮

舟過丹徒鎮。霜楓夾岸稠。潮迴楊子夕。山接秣陵秋。

秋斜日低帆影。輕寒閉水樓。江城多戍壘。哀角動新洲。

古今訪昭明讀書臺

王孫讀書處。梵夾自蕭森。無復維摩室。空餘雙樹林。荒臺梁徑沒。夕景楚江陰。古像悲能在。前踪不可尋。

竹林寺題壁

日暮南城裏。山僧獨自歸。竹林覆殘雪。石礪掩荆扉。行道花常落。焚香鳥自飛。京江泉壑好。朝夕在

清暉

別焦山

帆影乘流下。冷然別梵音。相逢乞食侶。未憊住山心。紺殿明松日。清江照竹林。長懷焦處士。千載濯塵襟。

贈上詩讀之如清風謾謾令人塵心都盡

王又林

金陵雜感

南北長江限。繁華數建康。東山千樹碧。西浦片雲

黃地險。蟠龍虎。臺空憶鳳凰。不堪憑弔處。六代寢園荒。

王又林

帝城雙闕迥。雲樹望中微。百戰山川在。千官第宅非。井邊槐正落。巷口鴈還飛。回首鍾山路。西風露滿衣。

滿衣

南內凋殘甚。重經御輦過。謀臣橫鐵鎖。壯士泣銅駝。萬戶愁聞詔。三軍盡倒戈。殿前降表出。李昊更

鳴珂

金陵雜感名作如林風流蘊藉懌民尤為擅場

玉曜升

許九日王鴻調過飲留英閣兼懷周二雲彥何處倚秋風。千門夜色空涼生。人語外愁盡酒杯中。峻閣迴江鳥。深更咽砌蟲。徘徊今夜月。燕市照應同。

東村

屋老秋先破。村荒夜獨寒。借書貧不易。完稅熟猶

難野服輕輦鼓甲棲任羽翰賞心叢竹在留選釣
魚竿

貧家涉歷語何以
得之王謝子弟

夏日閒居

不識求閒樂何如守拙宜屋茅風任捲林實雨教
垂椎髻真鴻婦蓬頭少霸兒自誇塵累減五岳儘
堪期

入塞曲

歸來笳鼓競不數霍將軍鬢點龍庭雪心懸鳳闕

雲三驅曾宥罪百戰敢言勲未許邊烽靜天家早

右文

古朴似杜子美
豪宕似駱賓王

王攄

登金山寺

入寺復登樓江天望欲浮征帆依岫轉落日逐波
流樹色來瓜步潮聲到石頭憑欄正懷古一笛起
漁舟

謁延陵季子廟

三讓遺風在孤城廟貌新禍雖生骨肉義已正君
臣劍掛空林月碑埋野草春乾坤多涕淚對此重
沾巾
曾覽

同王仲聚浦口望秣陵

畧見石頭城秋風掃舊京千山俱葉落一浪與雲
平河北新都護江東老步兵勞人易感動鷓鴣莫
先鳴

廟埠

夾石垂楊暮荒村傍水灣漁歌喧古渡樹杪見秋
山血戰蛟龍窟竟招虎豹關何能從謝李醉臥白
雲間

邗溝聞鬼哭

城南纔一戰四望失援師赤日天流血黃昏鬼哭
碑招竟吹角後絕命渡江時不是笙歌地人間恐
未知

赤壁阻兵

晉魏留孤壘江風日暮吹殺人還祀鬼遭亂尙題

詩枯港殘兵伏沙溪箭鏃遺十年奔走意到此轉
艱危

陳倉口

屯雲層嶺蔽閃閃過南星南星地名漢代遺祠廟高帝祠在
巖關只翠屏戰場烏自起衛士血猶腥萬古真人
氣江山舊勒銘

隴夜搗衣

羌笛關山遠關山屬隴州秦風鐵駟寒高秋懸漆甲盛
暑戴皮冠幕府誰分纘將軍未築壇從戎夫婿隔

妾夢敢懷安

又

遼水歸無計隴山別又多盛年妾不待秋色夜如
何築室巢鸚鵡圈田豢橐駝中原直北望回首是
西河

再赴漢中賦別平西王

向來懷李固李固墓在漢中忽已似陳琳回首間關盡西
歸空好音春秋無代序日月總浮沉不忍趨江海
王門沔漢深

喜入大孤

此外無天地。湖山入望虛。秋風失彭蠡。霧氣自匡廬。飽聽三邊鴈。歸收萬里書。所親能遽飲。吾弟有園蔬。

歸賦

中原飄泊久。親老且歸耕。井邑無安土。山城尙甲兵。霜花餘蔗畝。風鴈走河聲。子弟不相識。呼童數問名。

丙申送弟燦歸耕烏石壠

每羨西周古。千家尙力耕。高原無與草。春日少人行。鷺鴨空山長。衣冠亂世輕。鹿門歸去早。閉戶自松聲。

新峰偏

何灘稱最險。此際命如絲。水悍山難直。舟輕席屢移。岸花飛馬磔。馬磔地名落日指篙師。掩面隨峰轉。翻嫌急浪遲。

折灘

輕生且醉眠。失計下山巔。船自峰頭落。人從浪裏

穿春波。傾白雪。石竇迸青天。回首龍巖上。千川與萬川。

兼家午日金山園雜興

海邊天。易雨。城外盜如麻。有市都為蜃。無村不建牙。
潮各圍皆腥風吹虎蟹官課稅龍蝦官潮多土競

公總姑蘇旅懷

又作吳趨客。南園晚步遲。無風林欲動。落日鳥先知。
醜酒留春色。愁眼聽竹枝。此中民力苦。半盡採

桑時

汎浙江晉麻山人戰琴

移舟就月影。不寐聽灘聲。木魅嗥風入。江鼉濯甲鳴。
雲從天姥亂。潮自富春平。石瀨懸星漢。烟波徹夜明。

中秋臨淄獨酌

作客秋無夜。開樽月近人。關山同此照。齊魯竟誰鄰。
古樹前朝寺。殘燈異代身。紛紛陽鳥過。羨爾到江津。

瑰瑋豪宕異才也西夏居邊陲之地故多秦聲然酷似少陵矣或曰庭聞江右人鄉

秦薦於古樹秦申涵煜交開軒具或人關山同北照齊魯

登金山登金山萬樹含秋色探奇竹杖輕暗隨幽徑轉忽見遠山

晴塔動翻江影天空落鴈聲蒼然落日外知是廣陵城

夜聽周睿初山人彈琴黃花香繞案幽響入寒更不謂朱絃上能令萬慮

清樓高生雨氣山近滿秋聲此調君應絕知非浪得名

虎丘古寺寒烟際郊晴問短筇船來先見塔坐定始聞

鐘黃葉連高級朱欄間老松平生思勝蹟延賞惜秋容

發丹陽暮抵閶門

三日楓橋路高帆一日回偶因風力好遂使客愁開雙櫓搖江月千峰度酒盃夜來經虎埠燈火照

樓臺

觀仲於甲午從余遊白雲觀便有遺世之志江航草中遴此四作令人有王江寧之

申涵盼

清明過友人齋頭

一路春烟冷疎籬帶落暉沿溪尋野渡繫馬問柴扉苔綠侵行屐花香染客衣忘機看鳥雀款款近人飛

春雪

曉起色冥冥鄰人戶半扁冰花迷徑草簷雪透牕
櫺就煖爐依膝啼寒鳥聚亭皓然天地白已有柳
條青

詩貴有悟然忌色相鏡花水月得其意而已隨叔詩未多作偶以此質之余然天真爛漫故自不染雕繪

王維坤

常山大佛閣

高閣低青靄登臨慧口懸春開何代樹晴俯滿城
烟佛性豈千手山形小一拳故鄉渺不見獨鳥入

長天

俊鶻摩天
不可羈縲

葉方恒

慰同學諸子

盛子同學也
是科鄉薦

濟濟梁園客。論才孰後先。文章吾自主。時命鬼能專。璧昔三年棄。珠今十乘懸。只須看盛子。足可信羣賢。

崔鳴鶯

重陽獨坐

未可舒高眼。繁霜思不禁。蕭疎雲外志。偃蹇病中心。生計憑醇酒。幽懷託素琴。為儒難稱意。憔悴獨長吟。

冬日村居有懷

積雪晝陰陰。虛齋只掩門。霜花明遠樹。宿霧鎖孤村。豈有千秋業。空令白晝昏。甕頭新酒綠。寂寞獨開樽。

春夜與友人集飲中山

柳絮迎風舞。春花滿正鮮。且將千日酒。同醉杏花前。

天○世○事○慵○逾○淡○交○情○老○更○堅○挑○燈○話○積○愫○長○夜○不
知○眠○春文典文人集卷中由

宿寶泉寺

野○寺○蒼○苔○遍○透○迤○一○徑○通○迴○廊○封○茂○草○古○殿○隱○疎○
燈○月○洗○石○牀○靜○僧○歸○別○院○空○遺○泉○何○處○是○烟○冷○寶
蓮○官○

獨酌

且○自○盡○清○尊○春○光○不○惜○人○年○華○隨○序○老○風○物○逐○時
新○檻○外○柳○應○綠○庭○前○草○似○茵○臨○軒○無○限○意○不○爲○嘆

沉淪

新秋聞鴈

蕭○颯○微○涼○夜○遙○空○一○鴈○嘶○纔○聞○遠○浦○外○已○復○數○峰
西○天○濶○看○宜○小○山○長○去○若○低○更○深○何○處○落○白○露○轉
淒○淒○

李芳涉

千字詞有引

偽權將軍劉芳亮錄余併郡紳十二人加
以曳鋸之刑徵金不已求死不得及賊

自薊門敗歸偽官以漸逸去得昇入西
山肥鄉偽弁張汝行嗾賊再來殺倡義
庠生宋湯齊郭珩王拱宸等為賊代徵
余金余問行至樓裏至頭道河再至中
岩山

權制將軍號胸中未識丁。七情惟有怒。三約總歸
刑。廉吏宜先死。方兄或最靈。悔從師友學。悞我一
函經。

又

殉難多南士。操戈半武人。疾鳴天震怒。久戍日灰
塵。經費先除陌。編年亦効顰。不知枵腹子。何以媚
丘民。

永昌晉元武后
皆編年數止一

鄭茂

蚤春聞布穀

樓高鳴布穀。積雪減春城。不識年華變。惟看徑草
生。傷時宜縱酒。用拙似逃名。散帙空窓下。無營意
自清。

又

雨積池頽岸。亭高落遠風。衝泥尋野徑。踏草散幽蟲。宋玉悲何益。稽康懶未工。危橋防馬滑。競渡莫匆匆。

鳧盟再招飲南園賦別

柳合池塘暗。園幽翡翠鳴。溪風涼野榻。人事隔孤城。漉酒閒中醉。披襟物外清。田文高義在。復見古人情。

登叢臺

風雨侵臺綠。憑將舊跡尋。笙歌何處在。徑草逐年深。欲放登臨目。翻勞慷慨心。荒庭看往事。莫自苦行吟。

子勉為鳧盟昆仲好友其人沈靜而高韻正令人遠

徐乾學

次宿遷示殿聞雲亭

幸有張平子。還同馬少游。不辭桑落酒。共醉木蘭舟。虹捲荒城暮。鷓鳴古廟秋。餘生老湖海。搖落復何憂。

虹捲一
聯可傳

劉梁嵩

晚泊燕子磯

向晚山更碧。歸舟路轉窮。悲風吹暗樹。寒火出孤蓬。月起江聲急。猿啼客思同。相從頻旅泊。書劍愧西東。

魏杏祥

輓嫂

青鳥啣書至。鸞輿上碧霄。韓元遺虎徹。孟案斷鴻

調塵入龍章。暗香隨鳳帶。飄音容何處。是那復可為招。

曹宜溥

閒居偶吟

枳棘棲鸞鳳。何須問羽翰。君王遲夢卜。磻叟尙蒼寒。大澤魚龍吼。深山虎豹盤。幾時伴篋笠。獨立向巖灘。

魏學渠

子仁為厚菴家嗣學有淵源五言卓犖軼羣

泛微山湖

不盡扁舟興。中流發櫂歌。青山圍大澤。白日淡微波。芒碭龍蛇沒。淮徐風雨過。十年征戰後。生計在漁簑。

濟上卽事

孤帆隨處泊。歸路半山東。嶺色連齊甸。烽烟入魯宮。人行沙岸雨。燕掠戍樓風。李杜遺踪在。登臨氣象雄。

子存家世忠孝淑氣迎人讀此如見叔度

林雲鳳

韓淮陰廟

韓侯遺廟在。過客不勝悲。未請真王印。先收大將旗。功忘百戰後。恩報一餐時。何似清淮上。終身把釣絲。

令人憐王孫令人恨呂雉

東蔭商

臨洮

金城控上遊。洮水傍城流。阪峻泉多急。山空氣易

秋斷雲分遠戍。哀角咽邊樓。萬古防戎地。雄藩獨此州。

東蘭州

此地昔全勝。川原今若何。長城連紫塞。奔峽走黃河。風雨殘山在。蒿萊故苑多。五泉尋舊跡。惆悵倚巖阿。

溯洄集卷之五終

溯洄集五言近體卷之六

栢鄉魏裔介石生選評

禹航嚴曾架方貽
錢唐顧之瑜不瑕
校訂

五言近體

陳祚明

北征雜感

梁王城北道。入關鎖南河。水納紋沂小。山連鳧嶧多。空村驚盜賊。古壁斷笙歌。野宿非於主。栖栖意若何。

又

聞說清淵郭。繁華不可求。歌鐘連市陌。羅綺積山丘。稍稍人烟集。荒荒戰伐愁。維舟耆舊少。風土問齊謳。

又

帆轉天津口。清流界獨流。魚鹽來海上。舟楫聚城頭。萬里人為市。重關鐵作樓。依然捩形勝。風景不勝愁。

中秋夜長安對月有感

雙闕暮青青。西山倚畫屏。更懸明月照。何處翠華停。桂子飄仙苑。霓裳奏廣庭。白頭官監在。簫管夜深聽。

送曹秋嶽少司農分藩粵東

才大容何易。官遷遠未妨。聲名留北闕。瘴癘且南荒。雨濕恍慄暗。山空薜荔香。倘能懷五柳。松菊故蒼蒼。

送楊猶龍太史分臬晉中

芸省資喉舌。河東切股肱。山形連上黨。邊色繞雲

中丹筆仍彤管。襜帷試玉驄。訟庭疎吏事。高詠對梧桐。

山林之人詩易寂寞非兼才也微倩於澹遠中有高華非飽道之腴烏能如是包舉

顏泰颺

春暮

薊北軍猶盛。江南春欲歸。深宮首蓓暗。荒殿鷓鴣飛。歲月消金甲。乾坤老布衣。鄉關薄暮望。幾處斷斜暉。

寄所親

對酒不能飲。思君只淚零。月臨霜降白。山到浙江青。宿鷺驚沙浦。寒蛩入戶庭。別來難計日。踪跡况飄萍。

秋雨

小閣層陰積。秋光雨後殘。涼深疎枕簟。客少罷衣冠。卧病清狂減。泥途道路難。城南叢桂發。憔悴幾曾看。

吳江道中

解纜雨初斷。吳江風未平。亂雲猶黯淡。遠嶂欲分

明溪近泉聲合。天高海氣清。村村農事急。愧爾野
人情。

吳閫舟中贈別金二秉叔

故人具鷄黍。共醉闔閭城。風雨他鄉夢。關河送客
情。燈深臨萬井。月暗欲三更。此去歸宜早。高堂白
髮生。

送劉巨津王道原之江右

五月鵙初鳴。送君江上行。炎風吹浪急。細雨度帆
輕。烽燧連吳楚。間關念舅甥。相思千里外。何日是

歸程

舟次浦口

萬壑奔流急。千帆去國賒。聞鐘知遠寺。落木見人
家。官闕浮雲暗。長河寒日斜。客愁正欲絕。何處起
悲笳。

又

木落秋原迥。天高宿霧寒。浴鳧翻浪急。塞鴈出雲
端。人世雙蓬鬢。江湖一釣竿。關山飄泊客。愁絕獨
憑欄。

舟次京口

挂席中流急。風高一葉輕。寒雲沙更白。落木水兼清。寺遠浮屠立。城空畫角鳴。傷心江上月。猶是故鄉明。

魏之佳

遊北固山

共向維揚渡。相攜北固遊。翠來山嶂合。青去海潮收。晴照孤帆遠。寒烟亂樹浮。倚欄頻悵望。不是慨孫劉。

侯方域

皓魄

皓魄清如此。高懸桂影稀。星河疑到地。空翠欲霑衣。夜寂松筠靜。秋深蟋蟀微。遙思成往事。無路問支機。

吾儕湖上

臨安行在地。尚有望湖亭。堤柳和烟嫩。山風夾岫青。故宮雙燕子。過水一蜻蜓。可惜葛坡嶺。長愁戰血腥。

血脈澄江過韓氏園亭

不訪幽人去。安知野興長。江城連薜荔。秋色到衣裳。檻外收平楚。杯中落遠檣。登樓一萬里。醉眼即吾鄉。

支離寄平涼兄

苦憶風霜地。孤懸鴻雁心。邊關秦障盡。棧入劍門深。宦署二毛見。田園三徑沉。幸能寬老父。清白著朝簪。

朝宗才氣奔放。著有文集。盧次梗徐文長不能過也。五言近體亦在中盛之間。

胡介

寒食客舍寄李雲田

旅食逢寒食。章流接貢流。燕巢人異地。花雨客登樓。易失三春月。難消一徹裘。陳蕃與徐穉。往事話南州。

又

漢上雄諸李。雲田又不羣。名材同拔地。健翮愛凌雲。古寺穠花發。春江夜雨聞。秣陵應早去。桃葉久氤氳。

葉大緯

懷丁叔范二首

憶別橫塘路。秋深河上原。蒹葭空極目。風雨總消
魂。衰髮愁中換。離情客裏煩。遠遊徒碌碌。羨爾在
衡門。

又

故人久不見。相訊復何如。長日無他事。玄亭只著
書。青山春雨後。明月夜燈初。知有啣杯興。應憐踪
跡疎。

黃祐

永定門

玉輦經行路。離宮夜幸時。半天聞鼓角。夾道宿旌
旗。樹暗重樓闔。沙平萬馬嘶。御香應不斷。常待曉
風吹。

喬鉢

澄江卽境

日落長江靜。殘霜水底明。忽驚天在下。窺見月翻
生。空界於茲透。虛舟何處行。塊然餘一物。兩岸受

松聲

楊繼芳

夢題文衡山書有雲覆高峯白之句起而足

之

遙天烟沒盡。曲岸水迴通。雲覆高峯白。霜過遠樹紅。孤城挂落日。亂石坐秋風。不似人間世。桃源如可逢。

雛燕

新巢未幾日。雛燕已毛豐。嘖嘖如思母。翩翩欲舞

風。知幾或遠害。守分可全終。莫道依人好。人情自不同。

望嶽

山容原自遠。仰眺勢猶雄。石潤青無極。烟虛靜可通。雲雷嘗在下。日月出其中。遙想天門上。時吹萬里風。

張樾

登岱

千古登封地。森森御幃松。渾龐浮一氣。浩蕩俯羣

峯洞口晨光異。天邊鳥道重。凌風恣遠眺。蒼海白雲濃。

又

石徑通霄漢。泉聲驚暗雷。風來諸壑動。雲散亂峰開。玉簡沉荒草。殘碑蝕古苔。空山明月落。霜滿望仙臺。

周 鎬

寄懷鄭子勉

雲急正秋天。涼風過雁前。路長不百里。書斷已三

年。君種康成草。我栽茂叔蓮。故人清興發。烟雨上湖船。

同申鳧盟苑。括蒼訪篁溝。郝元直

鶯花迷客路。數里入篁溝。雲白村西寺。烟深柳下樓。讀書增道氣。習靜畏時流。相見同人少。爲歡十日留。

感懷

薄俗時人好。摧殘老布衣。鬚眉七尺是。肝膽十年非。風斷秋花冷。雲寒雁影稀。吳鉤常自按。豈肯素

心違。

過黃更生宅有感

亂瓦埋荒砌。淒涼宅舍空。故人方宿草。朋輩各秋風。子去關河外。妻留風雨中。相逢皆意氣。誰肯念孤窮。

賈開宗

過淮浦

已棄君平世。猶來問舊間。依然流水岸。尚有故人。居事業。雙杯酒。行藏數卷書。并州已十載。客興復

何如。

歸村舍

尚有丘園在。蒹葭到壑茨。凌晨望野火。玄夜聽啼鴟。亂自無秣糗。荒應斷肉糜。鹿門妻子慰。何處用愁容。

顧豹文

春雨遲友

車馬紛紜地。烟霞且自閑。僧留魚子過。人寄藥苗還。石路從雲濕。松扉爲雨關。憑軒曾久待。的的望

南山。雲氣。雨。關。海。曾。人。清。梁。前。

舟次立秋

流火萬方同。虛舟納好風。南山終隱豹。北地見征鴻。河勢憑天白。蓼花逐岸紅。年年搖落意。自分避牆東。

趙修

晚歸別墅

策馬沙堤上。橋梁大小橫。林深歸鳥靜。風細著衣

輕。落日依山暮。紅霞過水明。行來烟霧遶。回首直孤城。

赴晉中宿井陘南臺子

晉陽何處是。舉目皆嵯峩。陡陁穿雲轉。歸鴉夾岸嘶。過松梢。虛挂月。塔影倒懸河。止宿荒臺上。愴然拂劍歌。

許世忠

無極目

天上雲如石。船頭浪作花。官堤連復斷。魚港直還

斜曉日一株柳。晴空數點鴉。秋風歸客思。極目浩無涯。

沈九如

昭關

天塹連吳楚。山城接水濱。悲歌江上曲。忠孝客邊身。有劍酬恩怨。無書悉主臣。闔閭差可意。不負此關津。

彭楚伯

呂園夜集次覺斯先生韻

園亭清夏慮。烟水護柴扉。曲檻花爭簇。高牆鳥獨飛。雨過新沼徹。林薄亂山圍。招隱年來事。休傷客路違。

讀鄒南夫子魏公嶼舫詩

秋風連夜雨。嘉意寄遙思。理靜文成奧。心清氣自宜。雕蟲輕薄技。鳴鳳重光儀。近代何能匹。宮商性所師。

讀楊猶龍先生且亭詩

風雅宗前代。揮毫樹廣論。羣音聞其奏。衆慮渺爲

言簡策文難滅。丘墳字盡存。清秋雲氣肅。歌吹滿
林園。

又

幾日秋風發。華堂月色娟。洞庭探異蹟。薄海勒奇
篇。燈火分長夜。詩書樂盛年。晴窓搖竹影。曉露濕
寒烟。

對張天如楊維斗二先生書

風流悲喪亂。曠義未堪泯。禮樂成儀鳳。春秋絕獲
麟。古篇誰漢魏。廣覽識周秦。岐路楊朱淚。應知獨

苦辛

廣平晤申息盟

風流勞夢想。十載一登堂。山海多奇字。鼎彝發異
香。入林期把臂。對月欲連床。雨雪情深日。清言破
渺茫。

魏憲萬招同辦若先生飲其齋中

循盟思舊約。并轡到高軒。草發新鶯囀。花明古石
蹲。三年傷別緒。十日慕平原。良夜占星聚。吾徒信
有緣。

訪白方玉前輩隱居

靜止尋高隱。深居見故人。京華思舊好。岐路又良辰。采藥來山麓。編書列逸民。非熊應有夢。載汝大河濱。

清明有感 時在柏鄉

失路悲遊子。傷心念墓田。鳴禽聲切切。石馬自年年。廣陌驚新柳。荒郊送紙錢。鄉關遙一奠。風木恨終天。

棲鴉

羣飛何處去。星月向南林。遶樹棲無定。空巢反哺心。寒冬多雨雪。靜夜有哀吟。愁極翻增恨。高枝冷色深。

顧之瑜

秋野卽事

亦有好崖客。同居數十家。誅茅留徑窄。編竹夾門斜。山樹吹紅葉。溪田漲白沙。杖藜看父老。搔首悵天涯。

王潤民

同諸子集飲

鳥啼園更靜。草淺漸眠麋。詩酒憐陶杜。疎狂任阮
稽。飲酣傾琥珀。視遠仗玻璃。長嘯歸林樾。村烟冒
暮堤。

魏裔介

九日集樸園

移樽登小閣。雲物晚來清。烟外霜砧落。霞前白雁
橫。寒山吞暮日。流水匝孤城。登眺悲今古。長吟賴
友生。

典試山西獲鹿道中過漢淮陰侯祠

大漢承天運。偉哉命世才。土門赤幟出。河朔陣雲
開。相背豈君意。假王是禍胎。未央鐘室血。憤懣有
餘哀。

又

咄咄崩通計。豈知烈士行。秘謀羞絳灌。武畧失良
平。漢世無茅土。中原幾戰爭。拜瞻遺像肅。古廟近
荒城。

井陘西瞻白面將軍祠而歎之

漢軍輕轉戰。天數豈能爭。身死井陘口。人傳白面名。亂山堆落日。古木竄寒飈。可恨左車子。區區尙戀生。

柳墅

雨後林園好。褰臨見翠屏。荒城平野出。孤樹斷霞停。地僻桑麻長。人閑鷄犬寧。濁醪慰父老。努力事郊垆。

過定州觀雪浪石

不有坡公識。誰知雪浪名。鴻濛歸片碣。江漢入濤聲。

勝蹟金元變。竒懷涕泪橫。地經百戰後。瓦礫滿山城。

過定興拜楊椒山墓

何世無龍比。哀君王佐姿。孤墳留易水。碧血黯荒祠。正氣無今古。招魂有歲時。白溝舊戰壘。樵徑野風吹。

送傅掌雷按察東昌

中年多坎壈。同志惜離羣。吹角東藩日。藏書大陸雲。素心誰共數。佳夢必能分。莫作長沙賦。相期有

聖君○心○精○其○德○非○夢○也○許○復○其○非○其○也○故○鄉○雖○蕞○爾○傳○是○栢○人○城○烏○噪○蕭○王○廟○地○連○亞○子○營○屠○孤○存○趙○魏○戰○代○弔○元○明○何○日○名○心○盡○依○依○事○耦○耕○

送辨若弟歸里

薄○俗○耻○高○隱○歸○與○其○若○何○寒○雲○起○涿○鹿○秋○色○滿○滹○沱○執○手○聲○中○淚○離○腸○醉○復○歌○山○中○方○努○力○中○歲○易○蹉○跎○

春日憶山中園林寄諸弟

雪○霽○長○安○道○風○吹○遊○子○顏○高○齋○春○不○暖○獨○臥○夢○常○閑○古○樹○家○寒○鳥○白○雲○鎖○故○山○同○胞○應○念○我○何○處○下○松○關○

偶感

地○是○先○王○地○人○多○兩○代○人○威○儀○新○氣○色○蹀○躩○舊○風○塵○貂○錦○華○元○老○流○離○繪○小○臣○九○重○獨○業○業○朝○夕○勗○欽○隣○

又

曠覽何時盡。狂歌忽有人。天維尊五嶽。地勢重三秦。文字銷今古。干戈怨鬼神。誰爲調燮者。水旱恤遺民。

送宮紫玄歸廣陵

秋盡寒山出。旅人不可留。劍光衝暮雨。霜氣冷征裘。薊北黃金貴。淮南桂樹幽。送君從此始。濯足大江流。

又

出處關千古。君歸意若何。酒徒燕市散。海色廣陵

多。世事憐芻狗。吾生愛薜蘿。草堂春雨足。蒔藥養天和。

淇瞻劉年丈邀集徐園同猶龍太史青嶠給

諫卽賦

縱下憂時淚。何妨醉碧岑。虛檐侵鳥道。危檻迫濤音。晚水斜陽照。高城岸柳陰。忽驚雙鬢老。燒燭共長吟。

咏螢

入室復依檐。凌空不碍簾。偏宜秋徑澹。豈愛暑風

炎高下疑星墮參差畏露霑孤光甘一燭不敢効
幽潛

送楊猶龍年丈赴晉泉

十載稱良友胡為四牡駢無言可用贈有淚欲同
揮出處既如此文章寧遂微芳名各自保庶共芟
荷衣

送友人白青玉歸

故園一片月相照共生平儉歲無憂色山田惟力
耕床頭留舊釀世事盡浮名余亦明年去閒看春

草生

春日

上駢畢南苑閱武行蒐禮 召廷臣恭視 賜宴

行宮各賦詩應制

海甸春風滿昆池瑞氣開六師貔虎動八陣軒轅
來魚藻歌周讌金莖賜漢杯修文兼耀武天眷懋
隆哉

送楊冬可守潞安

冬官初罷草劇郡待謳歌祖帳傾華省高車到薜

蘿地連關陝近山入太行多此日女紅急勞來意
若何

追送田髯淵

數日勞鞅掌悵然君遠行飛蝗殘晚稼積雨黯秋
城前路龜山蔽孤舟吳月并華堂有醴酒誰與共
啼鶯

丁酉仲春寄猶龍楊方伯

老鬢欲成絲寒威春病知五更常憶友三載不論
詩白馬黃河渡襜車嵩岳陞莫言方伯易豫土有

瘡痍

季夏同梁玉立大司馬奏事西苑因詢及秦

旱

昧爽趨西苑沿溪欲到天
霽雲拂曉闕雨色靜芳
年啓事分曹進嘉言並座聯
更端詢稼穡穡憂早在
秦川

上獵於南苑恭紀

凌晨謁黃幄烟中雨露微
過橋平野濶吹角絳旗
威雲破饑鷹出草鳴鐵騎歸
天顏思喜起作賦

漫光輝

送高念東請告歸里

澹然無世慮。秋雨茂陵人。偶爾華簪脫。何妨藥裹親。青山好曳杖。新月漫垂綸。舊有丹丘侶。應同卧草茵。

贈殷伯巖

不作淮南令。歸來事桔槔。名山多杖履。田舍有風騷。爽氣虬鬚動。清言河漢高。卜隣已有願。終共隱蓬蒿。

祈穀陪祀

農務肇嘉禮。鸞輿出鳳樓。威儀肅漢典。甲仗控吳鉤。暖氣回春律。精城備庶羞。豐年欣有咏。端拱可垂旒。

顧羽士精舍晤閣院李坦園胡予袞沙會清

艾長人諸年丈

曲徑逶迤入。香燈花外幽。春風峭不暖。梅蕊暗初浮。世事雲霞變。仙翁歲月收。當年投分友。高會古丹丘。

又
虛樓直人外。豁達來天風。如在吾廬下。更聞遠寺鐘。恩深歸未得。氣靜偶相逢。問夜無暇寐。雲中望六龍。

春夜陪祀方澤

方澤近城陰。春來爽氣侵。鐘聲雲外轉。柳色雪中沈。侍衛迎華輦。星燈照夜林。馨香唯主德。作頌繼元音。

又

南郊復北澤。嘉禮肅冠簪。已賜豐年瑞。復聞大雅音。風和噓古柳。夜寂見橫參。明發同奔走。懷丹欲獻箴。

自安定門旋由水關南望德勝門述目所見
曉嘯映朝暎。人家野水村。樓殘遺堞立。寺廢古鐘存。解凍春雲漾。呼鷹獵馬馴。干戈息數載。猶有哭聲吞。

寄梁昭性

爾汝當年契。于今情倍殷。高齋留舊墨。春柳寄停

雲朗照何時醉。清心得妙聞。平生燕趙氣。慷慨惜離羣。

春雨有懷

晨夕但陰陰。泥潦小徑侵。茶烟騰鶴背。花氣伏蟲心。風動牕如雪。雲深野失禽。曠然懷雅搦。清響出高林。

冬日飲半齋卽賦

言念萑萑美。君恩未可違。故人相對飲。明月照烏飛。雪色歸青鬢。梅花發舊幃。明年更有約。火樹燦

春衣

題申端愍公遺墨

伊人不可見。書卷若爲逢。蘭氣芬幽谷。秋雲澹碧空。佳言總玉屑。墨竅亦垂虹。古道誰相似。平原憶魯公。

於樂開東序。明禋及早秋。黉門星欲曙。壁水露還流。
 祭藻清泉潔。陳牲旨酒柔。烟寒庭廡潤。風肅鼓鐘幽。
 莖夏樅金備。箭韶舞羽周。苾芬升黍稷。盼饗答柴禋。
 息馬看論道。環橋值獻囚。趨陪欽聖澤。文物滿皇州。

五言排律

嚴 沆

新秋釋奠紀事八韻

館課

於樂開東序。明禋及早秋。黉門星欲曙。壁水露還流。
 祭藻清泉潔。陳牲旨酒柔。烟寒庭廡潤。風肅鼓鐘幽。
 莖夏樅金備。箭韶舞羽周。苾芬升黍稷。盼饗答柴禋。
 息馬看論道。環橋值獻囚。趨陪欽聖澤。文物滿皇州。

秋祭歷代帝王恭紀十韻

闕宮崇秩事。西陸逮秋成。一氣通羣帝。千年拱上
京。乾坤留道法。盼蠻合寅清。鳳曆傳天位。龍旌
萃兩楹。冕旒凝露氣。劍履肅風聲。華黍瑤邊列。香
雲寶鼎生。純義登俎重。玄水上尊明。秉瓚椽金震。
升階錫玉鳴。編鐘宣磬筦。八佾舞咸莖。克配看昭
假。高齊萬古名。

賜表忠錄館課

在宥乘龍御。鳴陽想鳳臣。臨軒褒指佞。異世感批
鱗。白獸蹲宜滿。蒼鷹羽不馴。籌邊謀故老。請劍氣

能伸。再疏懸星日。孤忠泣鬼神。不辭留折檻。偏欲
問埋輪。跋扈櫻持斧。威稜抗秉鈞。清霜憐謫戍。碧
血竟投身。氣迥山河在。文傳象緯新。正逢求駿骨。
重喜下龍綸。毅魄褒泉壤。雄篇勒素筠。借才寧
往代。通夢憶斯人。卷帙頒青瑣。光華耿玉宸。片
言榮袞蔽。陳列受陶甄。仗馬鳴何罪。寒蟬耻並真。
會聞鞞鐸起。日贊帝臺春。

楊思聖

乙未元日臥病感懷

錯料吾生事。韶華迨此晨。人情誰念舊。物態各懷新。病體朝難謁。中心困不伸。沉憂迷歲月。蹭蹬走風塵。婚嫁緣多累。功名夢未真。何當逢道泰。莫卽耻家貧。山徑烟蘿隔。海天鼓角振。行藏虛攬鏡。身世負垂綸。幾歷金門曙。依然韋曲春。鶯花私上苑。車馬塞平津。獨有楊雲宅。玄成羞自陳。

魏象樞

送解法周之任池州

一陽傳令節。中夜氣孳孳。小雪推寒蕊。停雲護老

枝。正當求友日。恰際拜官時。太守推人望。司農邁等夷。文章須豹變。風格自魚麗。作珮思蘭蕙。防身問蒺藜。昭明遺舊蹟。杜牧有前規。畫戟登南國。麟符出右螭。蒼生方欲起。長吏更何爲。每矢清如水。休辭苦若飴。催科王事急。撫字內廷知。政以桑麻見。情同婦子嘻。敢忘三尺法。未報百年慈。北鴈書難寄。爲熊夢可期。寒帷周綠野。賜服憶丹墀。先濟陽舉卓。愛馬先祛蠹。觀風只採詩。九華青兀兀。異賜衣。二水白漪漪。願爾追廉范。憑人說項斯。虎狼能寂

冥髮髮各差池。碑上功名淺。亭前聚散遲。贈言千古意。聘老是吾師。

沈

戊戌四月恭紀二十六韻

象齒收南服。梯航引越裳。懷柔真遠畧。納款自遐方。禮重康侯錫。恩加異信王。春卿賚寶勅。學士捧宸章。武偃威靈鬯。文敷德化長。銘碑標百粵。旌節照三湘。槎比張騫汎。遊同陸賈裝。還聞朝多燕。喜回路有輝。光擁蓋臨河。汴停軒及許。昌華筵開。

憲府雅爵坐南牀。上相皆鸞峙。羣僚儼雁行。和風搖晚幕。靈雨降春桑。聖澤流逾溥。天休感未央。蚤看江海晏。彌重股肱良。既醉稱魚麗。留歡卜露瀼。微躬忝嘉會。優渥最難忘。

佟國器

覽勝湖山偶賦二十韻

北闕承新簡。南虔泣浙疆。高牙開曉岫。文旆肅青霜。運際堦平盛。名隨黼座揚。安民勤問俗。諮治屢觀鄉。入越山川壯。連吳道路長。近郊聊覽勝。出郭

偶浮觴。西子湖如鏡。蘇公樹遶塘。錦雲春作綺。蓮
浦夏傳芳。霽嶺丹楓艷。寒花凍雨香。烟霞藏澗壑。
瀟爽著風篁。龍井泉聲細。林亭鶴夢涼。流鶯朝度
柳。嶠雪夜歸航。麴院颺無暑。潭心月有芒。魚波溶
湫湫。松影矗蒼蒼。雲合雙峰迥。鐘疎水一方。晴江
看灑淼。雉堞亘輝煌。簫鼓遊人意。桑麻婦子糧。畫
圖懸景槩。撫字念醫瘡。夙秉澄清志。今爲廊廟綱。
擬將屈海靖。敷奏報君王。

又

萬邦咸輯玉。率土盡承天。廟算各神畧。長籌注浙
邊。星分牛斗際。地縮越吳全。百戰遺前烈。方剛猥
獨賢。江山千里秀。鎖鑰幾人肩。要郡都濱海。雄兵
習控弦。烽燧傳鯉窟。樓櫓接鯨川。甌嶺初欣捷。蛟
門歟進舩。羽書紛絡繹。徵會積駢闐。曲突猶疑後。
綢繆敢慶先。王威旣聲討。仁愛亟昭宣。濟以招徠
術。惟期反測遷。飛鶚誰泮集。鐵騎可饒旋。舊里安
耕鑿。新疇服幹田。鶯花春月酒。蘭漿晚湖船。碧浪
連青靄。平蕪浥露鮮。取涼常傍竹。選勝每題箋。鞅

掌民瘼事登臨物外緣。幸能逢宴豫。仍計恤顛連。
帝關頻瞻仰。丹心霄漢懸。

徐元文

大閱恭紀

帝治澄河岳。宸謨傲宴安。德威揚絕徼。震疊靖廻
瀾。秋彌三驅整。春田萬族歡。御場開北陸。左纛試
師干。仗簇雷霆耀。鉦縱日月寒。魚麗銜勁尾。鸛翼
迅飛翰。咨命登方叔。經綸統夏官。羅人收果毅。鼓
吏習驍桓。地用龍爲馬。車攻駁振鸞。董蒲青鐵簇。

蜀錦紫絲鞞。倏忽羣矰翠。須臾九旆丹。林花鮮欲
墮。山果苑相攢。太白精芒躍。招搖爽氣蟠。順時昭
敵愾。讐伏戢兵端。猛士常分守。雄兵職控搏。聞鐘
歸壁澤。脫劍掃瑤壇。采衛英風肅。挺垓大道寬。止
戈元有象。忘戰每持難。將拜華貂服。軍霑琥珀盤。
覲揚尊哲后。奕代式弘觀。
上祀太廟迎。駕恭紀
曆數承天序。山河表地中。顯謨昌奕葉。峻烈廓帡
幪。皇極均元始。神靈際昊穹。嵯峩嚴太廟。靜謐位

清宮左个青陽啟齋衣紺飾充履端陳法駕夾道
盡呼嵩肅肅騏驎整翬翬鵷鷺狎雙楹輝鎮玉列
庶載遺弓册是川淵寶琴爲華霍桐嗣孫虔主鬯
孝享薦民豐九土歡娛集千官志氣通龍旂春繞
電麟定夙趨風瑞鼎璠璣彩宗彝琥珀融精誠孚
至德被濯拜重瞳禮樂驅周頌梯航狹禹功艱難
思創業續述卜長隆祝嘏申詞妥闍炮受福同殷
雷聯五輅湛露答羣公警蹕旋黃道簫韶應碧空
聖慈觴萬壽祥靄宿珠櫺

毛達

釋褐國子監恭謁先師十二韻

風來從虎變雷動蟄龍驚先聖留遺古諸生拜賜
榮丘園光束帛庠序列干旌盥薦觀顯若循牆類
捧盈步雲依日月望海識蓬瀛祭菜傳千祀酌杯
歷兩楹文章食舊德世業啟平生碩彥尊明志前
賢重達行一朝同譽髦四國蔚耆英欲卜天心泰
先占吾道亨聖朝崇理學多士樂功名幽壑無綸
隱中天已鳳鳴

丁 澎

上胡尚書予袞先生十六韻

上苑司彤管。中臺倚重臣。趨朝常聽履。入直儼垂紳。北斗開天象。東封紀帝巡。文章原吏部。出納近楓宸。牧馬庭多暇。題輿意轉新。揮毫珠錯落。掄俊玉嶙峋。秘省圖書重。天顏密勿親。談經高碣石。開閣小平津。日射銅池曉。花迎紫禁春。作箴懷傳奕。著史續崔駟。捧日鵷班並。含香雉尾馴。殿中多啟沃。池上有絲綸。紫氣瞻雙闕。蒼生寄一身。長

陪宣室席。每望屬車塵。殊錫懸靈壽。逢時異渭濱。聖朝看喜起。歌頌答臣鄰。

顧龍文

雲山夜雨

空山晨夕雨。客旅倍凄然。夜久鑪應燼。更寒漏不傳。梵移僧寺火。響落碧溪烟。雲氣千巖濕。江聲萬樹懸。迴風驚宿鳥。複嶺下飛泉。嵐重腥迷屋。林深冥接天。撫觴嗟獨旦。破夢發陳編。白髮經年歲。消磨是此邊。

堵廷蔡

奉檄岱頂淨殿兼視修十八盤鐵鏈述懷十

韻

列嶽稱東長。分星指角推。天縈周觀紫。日射漢封
開。汶濟交羣派。滄溟動一杯。文章千古記。玉帛萬
方來。吳越微茫認。燕齊指顧猜。履冰承異命。陟峻
感坤垓。物育皆生烝。材成識厚培。鷹愁通幻竅。馬
歇仰崔嵬。峭級懸梯嶮。金繩斷雪苔。持危靈構接。
汎愛谷春回。虎步超雲棧。龍吟轉澗雷。罡風蒼籟

遠帝女五山迴

錢 茶

寄懷總憲魏石翁年臺二十四韻

昌期開聖世。間氣獨崢嶸。賜履標恒岳。承家啟大
名。悲歌來趙郡。慷慨應星精。筆露秋垂潤。詞源峽
倒傾。燃藜誇子政。削簡授陽城。指佞神羊觸。匡時
威鳳鳴。言多關主德。疏必恤民生。紫禁三千牘。丹
心一寸誠。掄才同相馬。侍從快聞鶯。滄溟鵬擊。
遙天鷓鴣橫。崇階升獨坐。峻業裕調羹。赤棒羣僚

悚紅綃百辟驚。除封今魏相。引裾古玄成。國紀資
鈞石。朝章賴玉衡。明良占漢頌。喜起叶虞賡。麟閣
將來繪。鷄壇當日盟。雲泥傷契濶。車笠嘆分行。瞻
斗南牀肅。逃名東海耕。窮途狂阮籍。虛左禮侯嬴。
飛蓋空樽酒。論詩共短檠。青雲羞驥尾。白雪愧蠅
聲。歲月烟花澹。江湖芳草清。懷人思管葛。彈劍慕
高荆。遙望沙堤路。彌深杵臼情。

和美

贈魏石生都憲

熙時開憲節。丹景曜崇銓。喉舌三公寄。絲綸五玉
全。花磚白鳳吐。繡額紫霞聯。望以摛詞重。名隨起
草傳。垣梧秋漏永。溫樹夜鐘懸。折檻光先詰。搜鱗
羨後賢。寵深唐鸞鷲。威著漢鷹鷂。岌岌丘山峻。澄
澄沔水漣。臯夔司舜日。禹稷重堯天。堂老專枚卜。
孤卿試鼎鑄。掄材資國儲。采訪備經筵。桃李中原
屬。蒲櫜比郡連。拔茅慙學淺。筮仕愧才偏。久被裁
雲帳。長規點露篇。光依鄰斗下。潤接邇波前。韋術
題能類。山濤啟欲箋。敢言深似鼠。願效潔于蟬。亞

相惟寅亮。羣工凜肅。虔謀猷垂。史竹勛業。在凌烟。金筋行將錫貽。謀世德妍。

李世洽

悼女八十韻

今古無窮恨。酸辛并集時。弱孫方輟哭。嬌女又攢

肩。七月孫既殤。不信俄旬日。竟成長別離。荒荒天

問遠望望返。竟遲細憶十年事。悲吟百感詞翻疑。

拾紫易偏覺。孕珠奇筮仕。叨彭澤趨庭。只袞師。時

未生長兒。纒八歲髻鬢虔辟。叫鳩竹倚。皆堪熊兆。急難叶。

虺徵聊可期。感祥乘織室。謫婺下河涓。女以七悅

設陳瓜菓針。穿結壽絲命。名承右咳。假序乞分慈。

女行一假友人方子。賺笑按頤頰。徵言辨嗑呀。纒

諸女稱序故行三。能勝踞拜。卽喜讓榛梨。俸薄常烹葑。官貧每減飴。

不誇知六七。已定識無之。共羨幽蘭質。殊憐刻玉

姿。崎嶇還里舍。生分認姑姨。輦轂風光近。鄉關服

食宜。趨朝驚夢寐。退燕問威儀。郎署原清暇。高軒

辱委蛇。穴屏探客貌。秉笏學爺嘻。剪髮鬢犀角。垂

璫稱素願。縱橫羅筆墨。曲折面呆愚。左賦騰姻族。

温臺耀閭楣大梁福遠胄部上峻華支採菲慚邾

莒施蘿附晉姬石生魏公謬有朱陳之約迎翁來席戶繞母乞

瓊璿起伏能閑雅周旋絕忸怩祭鹽才應爾閨閣

秀何其句讀兼求義臨書亦染池聞當役齊魯問

可便追隨行餉蓮為贐歸誇菊滿籬彭城新簡

命燕路舊征羈掌顛恒持護郊蓬任轉移星霜挽

睡起雨雪冒寒馳驛次需糕餌車中紉杜籬計程

詢近遠望道識旌旗行李饒瞻矚風塵藉慰嬉成

人矜儼是慧性實非夷宛轉承親旨更端折婢給

摘花留半莖數果記高枝對鏡嫺膏沐藏鈎妙解

披素箋臨月寫紅袖惜風吹度夏炎蒸骨凌秋濕

沁脾三旬憂姪殆十起慰兄疲殤豎災難遣芻靈

禍更懼呻吟彌永夜藥石廢餐糜漸漸訛妖夢看

看窘俗醫獻方多不驗問卜乃無知強起桂香惜

庭前桂蕊初發強扶出視頻勞鶴羽窺署有二鶴

自嘆尚能及見花開否女所愛玩病中猶憑窓忘倦

亡之夕鶴忽飛去爹娘重叠喚使令咄嗟罷撫弟

還顰笑期兄只孝思開奩看弄具檢篋換新綦絲

色親分畫衣襦悉指麾先夕即與家人訣凡附身之物咸自指受紫羅

貽母訣。珍珥任檀施。任世因緣已。浮生夢幻而不。
哀。因淚竭。無怖豈竟癡。瞑已仍張目。含餘更吐辭。
叮嚀申眷眷。骨肉願怡怡。已瞑且含俄吐珠。視久復自納之。握其兄手反
復孝親愛弟一語而已。狠藉餘丸散。參差賸椀匱。殉環緣夙
果。抱聘結來茲。聘時簪珥悉以玉化成烟霧。香銷殉志舅姑之賜。
燼蕙芝。人間猶仗媪。泉路尚依誰。宵鼠侵肴案。寒
蛩泣總帷。一靈馮婢舌。再宿訴幽岐。覲面渾如魅。
聽言始信兒。既殮馮憑一婢言甚悽惻。行行煎恨血。寸寸斷腸
詩。旅櫬愁孤泊。荒涼料忍饑。瀕行焚刻楮。扳紼奠

離卮。遂道依台祖。魑狸不爾欺。我哀猶暫解。母哭
奈無期。可有生來再。惟應夢與持。幾回看影悞。俄
爾聽聲疑。淚眼迎花落。愁心觸緒悲。感應騰鶴市。
痛欲勒鷄碑。可惜聰明枉。難將笑語追。悽涼百事
懶。惆悵五更滋。阿寄傷何極。元樊痛亞斯。有情終
一慟。此恨直千期。

余兒勤聘李公女。謂得佳婦。不意溘然。讀此詩為謝。庭惆悵。

耿雲嶠

同魏辨若溼一郊遊

尋歡出北郭。豪興逼寒烟。人坐雕鞍上。馬奔柳陌前。
前行雲聚復散。飛鳥去仍還。傍水瞻平野。登橋望遠阡。
小春天尚暖。短晝日初偏。玉海推敲字。錦囊次第篇。
絲鞭隨指示。銀鹿任周旋。鳳閣家臨趙。金臺氣蓋燕。
朔風迎面冷。霜葉滿林懸。未卜分花縣。恍疑到酒泉。
雄心社鼓雅。况命繁絃巨。口鱸鱗細。玄裳鶴羽翩。
猷爲如反掌。經濟豈空拳。憇息方停棹。行厨又整筵。
言歸情未已。休報夕陽遷。

劉雲

神仙篇

採藥攀危險。尋師渡海遥。但能常靜篤。何用遠塵囂。
道向靈臺覓。丹從密戶燒。齋心浴日慧。恭已運星杓。
絳闕飛天鏡。滄溟起夜潮。鶴唳青山曙。龍吟赤水漉。
紅霞鎖碧落。翠靄籠晨霄。虛谷黃芽長。晴空白雪飄。
駐顏超浩劫。煉魄匪崇朝。倏變羽人質。俄聞太乙招。
聳身遊泮溟。揮手入清寥。聞苑謁王母。蓬萊訪子喬。
上征凌倒景。降望御回飈。

魏喬介

送傅星巖內閣請假歸里

魁榜羣英伏。調元天下安。朴誠結聖主。直亮著朝端。大手推燕許。雄文繼孟韓。拔茅連衆正。距脫斥羣姦。胸是羅星斗。人曾慕鳳鸞。慇懃思俊乂。流涕問艱難。張幄天顏近。披圖霜月寒。心齋柝危微。日實得琅玕。寵賚君恩渥。仰瞻民力寬。教騎龍廐馬。常與大官餐。壯節峰巒峻。詩思河漢瀾。百工修雅度。蒼赤滌瑕癥。疆場銷燧燧。宗祊定石磐。蕭疎耻温飽。豁達見心肝。負米情何痛。焚膏惜自乾。曠

懷無遠瑣。尊足有蹒跚。悵望宸楓遠。遲回白露漙。將循波浩蕩。卽向岫噴沍。憶昔觀光日。同遊白虎觀。步趨文石陛。于今一紀看。相期學稷契。寧敢比共驩。言別多騷屑。臨風寄苦酸。西山成草草。東野馬嘽嘽。鞭撻猶未已。貪婪豈盡抗。每慚亞相職。無補惠文冠。坐望軒車至。蒸黎起瘁殘。屢旃時論道。葵藿共扞丹。莫學陶朱氏。五湖歸去漫。

溯洄集五言排律卷之六終

... 五言... 卷之六...

... 元...

... 卷...

... 卷...

... 卷...

... 卷...

... 卷...

... 卷...

... 卷...



